



OBSERVER

OBSERVE TO LEAD

კვირთი პაბ-პაიხი
ბაბათი სანახთვადი

WEEKLY BILINGUAL
NEWSPAPER IN GEORGIA

ხონიანი "ჩახთანი მონახის" შიდა დაპირისპირება მონახობანი ხიჩვინახის ფონხა

ბ3. 2



არჩევნების მოახლობასთან ერთად, ექსპერტები და ოპოზიცია სულ უფრო ხშირად საუბრობენ იმ დაპირისპირებაზე, რომელიც კოალიციის შიგნით წარმოიშვა. არსებობს აზრი, რომ მომავალში დაპირისპირება არათუ დასრულდება, არამედ უფრო აქტიურ ფაზაში გადავა. ცოტა ხნის წინ, დავით ბერმენიშვილმა „მრეწველებს“ შეახსენა მათი დაბალი რეიტინგი 2008 წლის საპარლამენტო არჩევნებში. ის შექმნილ სიტუაციას განიხილავს არა პარტიული, არამედ იდეოლოგიური დაპირისპირების კრილიში. მან ისიც დაამატა, რომ თოფამის განცხადებებში იკვეთება პოლიტიკური კურსი, რომელიც არ შეესაბამება საქართველოს სწრაფვას ევროანტლანტიკურ სტრუქტურებში. ხოლო თინათინ ხიდაშელის თქმით, ეს არის კოალიციის საწინააღმდეგო სისტემური კამპანია, რომლის წარმმართველი ძალები მეზობელ ქვეყანაში უნდა ვეძებოთ.

"ბაზპიომსა" და "სოხახს" შოხის მოქსაუნი ჩახთანი პოლიხაქონომიხა

ბ3. 4

აბდულაევს მიაჩნია, რომ აზერბაიჯანი გაზრდის საკუთარ ინვესტიციებს საქართველოში, რადგან ეს პარტნიორობა ორმხრივად მომგებიანია. მხარეებს შორის ბოლო შეთანხმებამ საქართველოსთვის გააჩინა შესაძლებლობა, რომ წინ აღუდგეს გაზპრომის ბერკეტებს. კალამის განცხადებით, რუსულ მხარესთან არსებულ შეთანხმებას იგივე პირობები ექნება მისი განახლების შემდეგ. აქედან გამომდინარე, საქართველო კვლავაც ქვეყნის ტერიტორიის გავლით სომხეთში ტრანზიტით გადატანილი გაზის 10 პროცენტს მიიღებს. გაზის მოცემული რაოდენობის თანხით ჩანაცვლება არ მოხდება, როგორც ეს რუსულ მხარეს სურდა. ეს პირობები გაზპრომთან უკვე შეთანხმებულია და მას მხოლოდ ხელის მოწერა აკლია.



ხანი ხამპანი ჩანთა მიხაით ქანდომიხის აღმოსაფხვხიანე

ბ3. 8

მწერალი, დიპლომატი, იურისტი, სამხედრო მოსამსახურე, - ეს ფოტოებზე წარმოდგენილი ქალბატონების საქმიანობის არასრული ჩამონათვალია. განსხვავებული პროფესიებით ისინი ერთი პრობლემის გარშემო ერთიანდებიან. პოპულარული ტელე-სერიალის „ჩემი ცოლის დაქალების“ სცენარისტი, ქეთი დევედარიანი ტელეეკრანიდან ქალთა მიმართ ყოველდღიურ, თითქმის ნორმად ქვეყლ პირდაპირ თუ ირიბ, ფსიქოლოგიურ თუ ფიზიკურ ძალადობაზე საუბრობს. ახალაზრდა იურისტთა ასოციაციის თავმჯდომარე ანა ნაცვლიშვილი კი, ქალთა ემანსიპაციას გენდერულად სენსიტიური მართლმსაჯულების სისტემის ადვოკატრებით ცდილობს.



სანახთვადი პიხონახინახის ბანახვინახის თომონიში

ბ3. 3

ნაქსი პახინაშპინის სანქა - პიხანი შულნი, პოლიხიხი ბახჩან თუ პიხომანასიის ბსედიობა

ბ3. 6

ბონახანბომის დაბპიხეხის სანახბნიფომ პოლიხიხა და ჩიხვინი პსიხინახობის ჩანახი ბბომახიობა სანახთვადი

ბ3. 7

ხანი ხეფოხეხი სანახომ პიხბინახის პიხისპიხ

ბ3. 9

"უსახელო პახსპინაპი" ბახჩანიშპინის თახხიხის სანახა ხილავ ჩიხინი ბამოჩნდა

ბ3. 12

სნომიხი პახიხანიჩანანი ბხახპიხის პბსხაქსუნი ხელოვნახს ცონდონის შაბბა თბიხისი ბახპინდომბ

ბ3. 13



ბაბათი "მბბინი"
სანითაშორისო სავაჭრო
პადახა - სანახთვადი
წიხი ბახდა



ხოანისია "ქართული ოცნების" შიდა დაპირისპირება მოახლოებული ახრევის ფონზე

სალომე ხვეციანი

დაპირისპირება მმართველი გუნდის ორ პოლიტიკურ სუბიექტს შორის რამდენიმე კვირაა გრძელდება. 3 მარტს პრემიერ-მინისტრმა გიორგი კვიციანიშვილმა სოციალურ ქსელში გაავრცელა საგანგებო მიმართვა, რომლითაც მოუწოდა პარტიებს, „ნებისმიერი სადავო საკითხი მხოლოდ კოალიციის შიგნით“ განეხილათ. წინააღმდეგ შემთხვევაში, კვირიკაშვილი არ გამოიტყულებს პოლიტიკურ ცვლილებებს, რომლებიც ხელს შეუწყობენ სიტუაციის სტაბილიზაციას.

აღნიშნული მიმართვის მთავარი ადრესატი იყვნენ რესპუბლიკური პარტია და „მრეწველობა გადაარჩენს საქართველოს“. ცოტა ხნის წინ ფრაქცია „მრეწველების“ ლიდერმა გოგი თოფაძემ, თავდაცვის მინისტრი თინათინ ხიდაშელი 31 ოქტომბრის საგარეო უწყის შუალედური არჩევნების გაყალბებაში დაადანაშაულა, რის შედეგადაც მთავრობა პროკურატურამ საქმე აღძრა 332-ე მუხლით, თანამდებობრივი უფლებამოსილების გადამტეხვის შესახებ. გამოძიებისთვის ჩვენების მისაცემად თავდაცვის მინისტრი მზად არის. „ეს არის ქვეყნის ხელისუფლების მიერ გატარებული პროდასავლური პოლიტიკის საწინააღმდეგო კამპანია. ესაა ბინძური მეთოდები, რომლებიც ამ ბოლო პერიოდში გამოჩნდა. მე დარწმუნებული ვარ, ჩვენ გაცილებით უფრო სამარცხვინო მეთოდებისა და სამარცხვინო კამპანიების მომსწრეები გავხდებით შემდეგი თვეების განმავლობაში საარჩევნო პერიოდში“, - გადანცხადა თინათინ ხიდაშელმა.

პრემიერ - მინისტრმა დავით გოგი თოფაძის საჯარო ბრალდება ხიდაშელის მიმართ, თუმცა ამავე დროულად შენიშნა ისიც, რომ თავდაცვის მინისტრი, პირველ რიგში, მთავრობის წევრია და არ უნდა იყოს ჩართულ მსგავს დაპირისპირებაში. მისი თქმით,

აუცილებელია ქართული ჯარი დისტანცირებული იყოს პოლიტიკური პროცესებისგან, ხოლო საქართველოს მომავლისთვის უცხო და მიუღებელია საბჭოთა კავშირის წიაღიდან წამოსული სტალინისტური სენტენციები, რადიკალიზმი და მარგინალური ფსევდოტრადიციები.

მრეწველების ლიდერი გოგი თოფაძე კვირიკაშვილის მიმართვას მალე გამოეხმაურა: „მალიან კონკრეტული და მალიან სწორი განცხადება გააკეთა პრემიერმა, დიპლომატიური. მან მალიან კარგად იცის, ვინ არის მართალი და ვინ არის მტყუანი. შეხვედრებით პოლიტსაბჭოზე. ალბათ იქნება კამათი და მოხდება გადაწყვეტილების მიღება. ჩვენ მალიან მყარი პოზიციები გვაქვს ყველა საკითხში, რომელიც დავაყენეთ“. „მრეწველთა“ წევრის ზურაბ ტყემალაძის თქმით კი, ისინი პრემიერისა და პოლიტსაბჭოს გადაწყვეტილებას დაემორჩილებიან.

როგორც ჩანს, „მრეწველებისგან“ განსხვავებით, კვირიკაშვილის მიმართვამ რესპუბლიკელებში გარკვეული გაუგებრობა გამოიწვია. სიცხადის შესატანად, უკანასკნელგანმა პრემიერთან შეხვედრა დანიშნეს 3 მარტს საღამოს 9 საათზე. შეხვედრას ესწრებოდნენ რესპუბლიკური პარტიის თავჯდომარე ხათუნა სამნიძე, დავით ბერძენიშვილი, თინათინ ხიდაშელი და დავით უსუფაშვილი. ხათუნა სამნიძის თქმით, შეხვედრაზე საუბარი იყო იმ საკითხებზე, რასთან დაკავშირებითაც შეკითხვები გაჩნდა - მათ გაცვალეს აზრები და დაავიქსირეს პოზიციები. მან ისიც დაამატა, რომ რესპუბლიკელები „ქართულ ოცნებასთან“ აგრძელებენ ურთიერთობას სტრატეგიული თანამშრომლობის რეჟიმში და ორპარტიულ შეთანხმებაზე საუბარი უკვე დაწყებულია, რომელიც მათ სტაბილურ გარემოში

მიიყვანს არჩევნებამდე.

არჩევნების მოახლოებასთან ერთად, ექსპერტები და ოპოზიცია სულ უფრო ხშირად საუბრობენ იმ დაპირისპირებაზე, რომელიც კოალიციის შიგნით წარმოიშვა. არსებობს აზრი, რომ მომავალში დაპირისპირება არათუ დასრულდება, არამედ უფრო აქტიურ ფაზაში გადავა. ცოტა ხნის წინ, დავით ბერძენიშვილი „მრეწველებს“ შეახსენა მათი დაბალი რეიტინგი 2008 წლის საპარლამენტო არჩევნებში. ის შექმნილ სიტუაციას განიხილავს არა პარტიული, არამედ იდეოლოგიური დაპირისპირების კრილიში. მან ისიც დაამატა, რომ თოფაძის განცხადებებში იკვეთება პოლიტიკური კურსი, რომელიც არ შეესაბამება საქართველოს სწრაფვას ევროატლანტიკურ სტრუქტურებში. ხოლო თინათინ ხიდაშელის თქმით, ეს არის კოალიციის საწინააღმდეგო სისტემური კამპანია, რომლის წარმართველი ძალები მეზობელ ქვეყანაში უნდა ვეძებოთ.

განვითარებულ მოვლენებს აფასებენ კოალიციის გარეთ. გივი წერეთლის, საპარლამენტო უმცირესობის წევრის თქმით, პრემიერ-მინისტრის განცხადება იყო მცდელობა, რომ კოალიციის ერთიანობა შენარჩუნდეს, მაგრამ ეს შეუძლებელი ხდება, რადგან კოალიციის წევრები პიროვნულად და იდეოლოგიურად ერთმანეთს უპირისპირდებიან. წერეთლის მოსაზრებას იზიარებს „ქართული დემოკრატების“ ლიდერი ირაკლი ალასანიაც. მისი აზრით, გიორგი კვირიკაშვილი ცდილობს წესრიგი დაამყაროს, თუმცა ერთმანეთთან ასე დაპირისპირებული მმართველი კოალიცია ვერ გააერთიანებს საქართველოს და ეს უკვე ეტყობა ქვეყნის მართვასაც. სკეპტიკოსების რიგებში აღმოჩნდა „ქართული ოცნების“ ყოფილი წევრი, დეპუტატი მურმან დუმბაძე. გადა-



ცემა „არჩევანის“ ეთერში მან აღნიშნულ საკითხზე ისაუბრა და თქვა, რომ ბრძოლა არ მიმდინარეობს იდეოლოგიებზე, არამედ პარტიული სიებისთვის. მან იმასაც გაუსვა ხაზი, რომ პოლიტსაბჭოს სხდომა არის ფორმალური და ამ საკითხს ბიძინა ივანიშვილი ერთპიროვნულად გადაწყვეტს. უმრავლესობის წევრი თამაზ მექიაური კი ფიქრობს, რომ „ქართული ოცნება“ საპარლამენტო არჩევნებზე დამოუკიდებლად უნდა წარდგეს. კოალიციის შიგნით იმედოვნებენ, რომ დაპირისპირება მალე დასრულდება. ამის იმედი აქვს საპარლამენტო უმრავლესობის წევრს ანი მიროტაძეს. თავის განცხადებაში მან აღნიშნა, რომ „ქართულ ოცნებაში“ არსებობს კოალიციაში გაუგებრობის მოგვარებისთვის შიდა რესურსი და გიორგი კვირიკაშვილმაც სწორედ ამას გაუსვა ხაზი. მისი თქმით, ვითარება კოალიციის იმიჯზე მეტად უარყოფითად აისახება. მას უერთდება მანანა კობახიძე და რამდენიმე სხვა დეპუტატიც. ბოლოდროინდელი გამოკითხვები ცხადყოფს, რომ ამჟამინდელი საპარლამენტო უმრავლ-

ლობა, ისევე როგორც უმცირესობა, მოსახლეობის დიდი მხარდაჭერით არ სარგებლობს. ამომრჩეველთა დიდი ნაწილი კი, კითხვაზე, თუ ვის დაუჭერს მხარს არჩევნებზე, პასუხისგან თავს იკავებს. პოლიტოლოგების შეფასებით, მოახლოებული არჩევნების ფონზე „ქართულ ოცნებას“ არ აქვს დაშლის ფუფუნება - ცალკეულ დაშლილ პარტიებად ისინი ხმების დიდ რაოდენობას ვერ დააგროვებენ. თუმცა, ამავდროულად, ნათელია, რომ კოალიციის შიგნით განსხვავებული იდეოლოგიები და მსოფლმხედველობა თავს იჩენს. ჯერჯერობით უცნობია, შემდეგს თუ არა „ქართული ოცნება“ ერთიანობის შენარჩუნებას, მაგრამ ერთი რამ ცხადია - ბოლო წლებში კოალიციის რიგები არაერთმა პოლიტიკოსმა დატოვა და გაერთიანების 2012 წლის საპარლამენტო სიაწელს შეცვლილი სახით წარმოგვიდგება. მოსახლეობა კი დიდი ინტერესით ადევნებს თვალს პოლიტიკოსთა დაპირისპირებას, განსაკუთრებით კი, პრემიერ-მინისტრის განცხადებებს და მათ რეალურ მნიშვნელობას განიხილავს.

საქართველოში საფხანბაიის ხსენების იტყინა პასხაი მენიი დაინიშნა

საქართველოში საფრანგეთის რესპუბლიკის საგანგებო და სრულუფლებიანი ელჩის თანამდებობაზე 62 წლის დიპლომატი პასკალ მენიე დაინიშნა. 2012 წლიდან დღემდე მენიე ამავე პოზიციაზე აზერბაიჯანში მუშაობდა იქამდე კი მსახურობდა საფრანგეთის საელჩოებში: ტოკიო, პრაღა, ვარშავა და სტოკჰოლმში. 2016 წლის 4 მარტს პასკალ მენიემ საქართველოს საგარეო საქმეთა მინისტრს მიხეილ ჯანელიძეს რწმუნებათა სიგელების ასალი გადასცა. მინისტრმა ფრანგ

დიპლომატს მიულოცა ახალი თანამდებობაზე დაინიშნა და წარმატებები უსურვა მომავალ საქმიანობაში. ამასთან, ხაზი გაუსვა საქართველოსა და საფრანგეთის რესპუბლიკას შორის ჩამოყალიბებულ მჭიდრო მეგობრულ და პარტნიორულ ურთიერთობებს ისევე, როგორც უკვე არსებული თანამშრომლობის სხვადასხვა მიმართულებით გაღრმავების აუცილებლობას. თავის მხრივ, მენიემ კიდევ ერთხელ დაადასტურა საფრანგეთის მხარდაჭერა საქართველოსადმი და გამოთქვა მზა-

ობა, მაქსიმალურად ხელი შეუწყოს ორ ქვეყანას შორის ურთიერთობების გაღრმავებას.

შეხვედრაზე ასევე განხილულ იქნა საქართველოში მიმდინარე პროცესები, ევროკავშირთან სავიზო რეჟიმის ლიბერალიზაციის მნიშვნელობა და ამ მიმართულებით მიღწეული წარმატებები, საქართველოს ევროპული და ევროატლანტიკური ინტეგრაცია და სამომავლო პერსპექტივები, საქართველოს ოკუპირებულ ტერიტორიებზე არსებული ვითარება და რეგიონში მიმდინარე მოვლენები.



საქართველო ევროპაში ჩართვის ბაზუკაში მონაწილეობა

ბუჩაძე ფანიკაძე

გასულ დღეებში მთავრობის სხდომის დროს საქართველოს საგარეო საქმეთა მინისტრმა მიხეილ ჯანელიძემ საქართველოსთვის ვიზა ლიბერალიზაციის საკითხზე ისაუბრა და განაცხადა, რომ ევროკომისია ამასთან დაკავშირებით საკანონმდებლო ცვლილებებს უახლოეს დღეებში გამოაქვეყნებს. მისი თქმით, კომისიის მიერ საკანონმდებლო ცვლილების ევროკავშირის საბჭოში წარდგენა პრემიერ-მინისტრის ბრიუსელში ვიზიტის დროს გადაწყდა. ამის შემდეგ დაიწყო მისი განხილვა, რასაც საბჭოს შემდეგ კი ევროკავშირის პარლამენტის გადაწყვეტილება და მისი წევრი ქვეყნების თანხმობა ესაჩიროება.

ჯანელიძის განცხადებით ირკვევა, რომ ეს მიმდინარე კვირებში მოხდება, ამიტომ ამ პროცედურის დაწყებას სულ მალე უნდა ველოდეთ. საგარეო საქმეთა მინისტრმა იქვე განმარტა, რომ საკანონმდებლო ცვლილების წარდგენის შემდეგ პროცესი მეორე დღესვე დასრულდება: „ამ განხილვებმა შეიძლება გასტანოს რამდენიმე თვე. ეს არის ჩვეულებრივი პროცედურა და, შესაბამისად, მოლოდინი არ უნდა იყოს, რომ საკანონმდებლო ცვლილების წარდგენის შემდეგ მეორე დღესვე მოხდება ვიზა ლიბერალიზაცია. გამომდინარე იქედან, რომ არ არსებობს არანაირი კითხვა საქართველოში განხორციელებული რეფორმებისადმი და საქართველოს მზადყოფნისადმი - იყოს სანდო პარტნიორი ევროკავშირისთვის უვიზო მიმოსვლისა და ურთიერთობების კუთხით, ვფიქრობთ, რომ ეს გადაწყვეტილებაც საბჭოს მიერ მიღებული იქნება მოკლე ვადებში“, - აღნიშნა ჯანელიძემ. თუმცა კონკრეტული თარიღების დასახელებისგან თავი შეიკავა.

საქართველომ ვიზა ლიბერალიზაციის მისაღებად გრძელი და რთული გზა განვლო. ურთიერთობები საქართველოსა და ევროკავშირის შორის ემყარება პარტნიორობისა და თანამშრომლობის შესახებ შეთანხმებებს (PCA), რომელიც ძალაში შევიდა 1999 წლის 1 ივლისს. 2006 წლის 14 ნოემბერში მიღებული საქართველო - ევროკავშირის ევროპული სამეზობლო პოლიტიკის სამოქმედო გეგმით (ENP) განი-

საზღვრა თანამშრომლობის ურთიერთშეთანხმებული პოლიტიკური პრიორიტეტები. გეგმის ის ნაწილი, რომელიც ეხება სამართლის, თავისუფლებისა და უსაფრთხოების საკითხებს (JFS), კმნის ამ სფეროში საქართველო-ევროკავშირის თანამშრომლობის ზოგად სტრუქტურას. 2009 წლის 30 ნოემბერს საფუძველი ჩაეყარა საქართველოსა და ევროკავშირის შორის „პარტნიორობის მობილური საბჭოს“ ევროკავშირის 16 წევრი სახელმწიფოს მონაწილეობით. პარტნიორობის მიზანს წარმოადგენდა მხარეთა შორის თანამშრომლობის განმტკიცება შემდეგი მიმართულებებით: ლეგალური მიგრაციის ხელშეწყობა, განვითარებაში მიგრაციის წვლილის მაქსიმიზაცია, არალეგალური იმიგრაციის პრევენცია და მის წინააღმდეგ ბრძოლა, თავშესაფრის პოლიტიკა და საერთაშორისო დაცვა. სამომავლო უვიზო მიმოსვლის მიმართულებით გადადგმულ ეტაპობრივ ნაბიჯს წარმოადგენს საქართველო-ევროკავშირის შორის სავიზო რეჟიმის გამარტივებისა და რეადმისიის შეთანხმებები, რომლებიც ძალაში 2011 წლის 1 მარტს შევიდა.

2006 წლის 1 ივნისიდან ევროკავშირის მოქალაქეებისათვის საქართველოში მგზავრობისას უვიზო რეჟიმი მოქმედებს. ვარშავის სამიტზე მიღებულ დეკლარაციაში 2011 წლის სექტემბერში პოზიტიურად შეფასდა საქართველოსთან სავიზო რეჟიმის გამარტივებისა და რეადმისიის შეთანხმებების განხორციელება და ხაზი გაესვა, რომ ამ შეთანხმებების სრულად განხორციელება პირველი ნაბიჯია უვიზო მიმოსვლის მიმართულებით. საბჭოს 2012 წლის 31 მაისის დასკვნაში პოზიტიურად შეფასდა კომისიის ინიციატივა, საქართველოსთან სავიზო დიალოგის დაწყებისა და მის თითოეულ საფეხურთან საბჭოსა და წევრი სახელმწიფოების მჭიდრო დაკავშირების შესახებ. აღნიშნულის გათვალისწინებით, 2012 წლის 3 მაისს, საქართველომ წარმოადგინა განახლებული, დეტალური და ყოვლისმომცველი ანგარიში, სავიზო დიალოგის შესაბამის სფეროებში განხორციელებული და დაგეგმილი ღონისძიებების თაობაზე. ანგარიში 2012 წლის 16 მა-

ის გადაეცათ ევროკავშირის წევრ სახელმწიფოებს საბჭოს ფარგლებში.

სავიზო რეჟიმის ლიბერალიზაციის თაობაზე დიალოგი, რომელიც მიზნად ისახავს ევროკავშირში საქართველოს მოქალაქეების უვიზო მიმოსვლისათვის ყველა შესაბამისი პირობის გადამოწმებას, გაიხსნა 2012 წლის 4 ივნისს, ქ. ბრიუსელში. 2012 წლის 15 ოქტომბერს, საბჭოს დასკვნაში საქართველოს შესახებ, დადასტურებულ იქნა ევროკავშირის მიერ აღებული ვალდებულება უვიზო რეჟიმის შემოღების საერთო მიზნისადმი, გამართული და უსაფრთხო მიმართულების პირობების შექმნის შემთხვევაში. 2013 წლის 25 თებერვალს საქართველოს ხელისუფლებას სავიზო რეჟიმის ლიბერალიზაციის სამოქმედო გეგმა გადაეცა (VLAP). სამოქმედო გეგმა გადამოწმდა შეიცავს, რომლებიც ქართულმა მხარემ უნდა შეასრულოს, რათა საქართველოსა და ევროკავშირის შორის უვიზო რეჟიმის დამყარება გახდეს შესაძლებელი. სამოქმედო გეგმა ოთხი ბლოკისაგან შედგება: 1. დოკუმენტების უსაფრთხოება, ბიომეტრიული პასპორტების ჩათვლით; 2. საზღვრის ინტეგრირებული მართვა, მიგრაციის მართვა და თავშესაფრის პოლიტიკა; 3. საზოგადოებრივი წესრიგი და უსაფრთხოება; 4. საგარეო ურთიერთობები და ადამიანის ძირითადი უფლებები.

ამავე წლის ნოემბერში კომისიამ პირველი ანგარიში გამოაქვეყნა საქართველოს პროგრესზე ვიზა ლიბერალიზაციის დიალოგთან დაკავშირებით, 2014 წლის ოქტომბერში კი მეორე ანგარიში წარადგინა, რომელშიც აღინიშნა, რომ საქართველომ პირველი დონის რეკომენდაციები შეასრულა და მზად იყო მეორე ფაზაზე გადასასვლელად. 2015 წლის 8 მაისს შესამე მოხსენება გამოქვეყნდა საქართველოს მიერ VLAP-ის იმპლემენტაციაზე. 2015 წლის 18 დეკემბერს კი მეოთხე ანგარიში გამოქვეყნდა, რომელშიც ასევე დადებითად შეფასდა საქართველოს მიერ გაწეული სამუშაო. უვიზო მიმოსვლის რეჟიმის შემოღების მთავარი წინაპირობაა საქართველოს მიერ „სავიზო რეჟიმის ლიბერალიზაციის სამოქმედო გეგმით“ განსაზღვრული



მოთხოვნების შესრულება. სამოქმედო გეგმის შესრულებისა და შესაბამისი პოლიტიკური გადაწყვეტილების მიღების შემდეგ, ევროკავშირის N539/2001 რეგულაციაში შესაბამისი ცვლილების განხორციელების გზით, საქართველოსთან უვიზო მიმოსვლის რეჟიმი ამოქმედდება. უვიზო მიმოსვლის რეჟიმის ამოქმედების შემდეგ საქართველოს მოქალაქეებს შესაძლებლობა ექნებათ ვიზის გარეშე იმოგზაურონ შენგენის ზონაში, რაც მოიცავს ევროკავშირის 22 ქვეყანას, ასევე, 4 არაწევრ ქვეყანას (ისლანდია, ლიხტენშტაინი, ნორვეგია და შვეიცარია) და შენგენის 4 კანდიდატ ქვეყანაში (ბულგარეთი, რუმინეთი, კვიპროსი, ხორვატია). გამონაკლისს წარმოადგენს დიდი ბრიტანეთი და ირლანდია, რომლებიც შენგენის ზონაში არ იმყოფებიან. მოკლევადიანი ვიზიტი გულისხმობს 90 დღის ნებისმიერი 180 დღის განმავლობაში. უვიზო რეჟიმი არ შეეხება ევროკავშირის / შენგენის წევრ სახელმწიფოებში გრძელვადიან

ვიზიტებს განათლების მიღების, მუშაობის ან სხვა მიზნით. უვიზო რეჟიმის ამოქმედება საქართველო - ევროკავშირის ურთიერთობებში ერთ-ერთი ყველაზე მნიშვნელოვანი და წარმატებული ნაბიჯი იქნება. შეიძლება ითქვას, რომ უვიზო მიმოსვლა საქართველოს ევროკავშირში ინტეგრაციისთვის არა მხოლოდ სამართლებრივ საფუძველს ამაზადებს, არამედ მოხდება ქართველების უფრო მეტად ინტეგრაცია ევროკავშირის ქვეყნებთან სამოქალაქო და კულტურულ დონეზე. უვიზო მიმოსვლა კიდევ უფრო გახსნის საზღვრებს, რაც საქართველოს მოსახლეობას საშუალებას მისცემს დაუახლოვდეს ევროპულ ფასეულობებს და გაიზაროს ევროპული ღირებულებები. მოქალაქეები თავადვე შეძლებენ, ევროკავშირისა და ევროპაზე საკუთარი შეხედულებები გადააფასონ, რის შემდეგაც აუცილებლად გაქრება ბევრი მითი და საზოგადოება გაიგებს, რას ნიშნავს, იყო ევროპისა და ევროკავშირის ნაწილი.

საფოსტო მახაზების ხონხუხისი ევროპაში ჩართვის თემაზე

სსიპ „ნატოსა და ევროკავშირის შესახებ საინფორმაციო ცენტრი“ საქართველოს ფოსტასთან ერთად აცხადებს კონკურსს საფოსტო მარკის ესკიზის შექმნაზე, საფოსტო მარკის თემატიკა: საქართველო-ევროკავშირის თანამშრომლობა.

გამომდინარე იქიდან, რომ 2016 წელი გამოცხადდა ევროპული სახელმწიფოს წლად და ამ წელს გადაიდგმება ძალზედ მნიშვნელოვანი ნაბიჯები ევროპული ინტეგრაციის მიმართულებით, ასევე 2016 წელს ვზეიმობთ საქარ-

თველოს დამოუკიდებლობის 25 წლისთავს, როდესაც ჩვენმა საზოგადოებამ ერთხმად აიღო საგარეო პოლიტიკის და ქვეყნის განვითარების ევროპული გზა, ნატოსა და ევროკავშირის შესახებ საინფორმაციო ცენტრმა და საქართველოს ფოსტამ ერთობლივად გადაწყვიტა საფოსტო მარკის გამოცემა, რაც კიდევ ერთხელ გაუსვამს ხაზს საქართველოს ევროპული ინტეგრაციისა და ევროკავშირისა და საქართველოს შორის თანამშრომლობის მნიშ-

ვნელობას. კონკურსის მიზანი საქართველოს საფოსტო მარკების გამოცემის შემდგომი განვითარებისა და პოპულარიზაციის ამაღლების ხელშეწყობაა.

საკონკურსო ნამუშევრების მიღების ბოლო ვადა: 2016 წლის 4 აპრილი, 18:00 საათი.

პროექტის მხარდამკერები არიან ევროპულ და ევროატლანტიკურ სტრუქტურებში ინტეგრაციის საკითხებში მინისტრის აპარატი და ეკონომიკისა და მდგრადი განვითარების სამინისტრო.



საქართველოს ფოსტა

"ბაზუჩიონსა" და "სოხაის" შოხის მოქსაუდი ქახთუდი ჰოციხაჰონოშია

ბიოხბი ჩაფიძა

საქართველო აზერბაიჯანიდან დამატებით 500 მილიონ კუბურ მეტრ ბუნებრივ აირს მიიღებს - ამის შესახებ ქვეყნის პრემიერ მინისტრმა გიორგი კვიციანიშვილმა აზერბაიჯანული ენერჯოკომპანიის წარმომადგენლებთან შეხვედრის შემდგომ განაცხადა. პრემიერმა აღნიშნა, რომ საქართველოს სოკართან ურთიერთობების გაღრმავება სურს და ახალი შეთანხმების გაფორმება ტექნიკური პრობლემების აღმოფხვრის შემდგომ გახდა შესაძლებელი. კვიციანიშვილის თქმით, სტრატეგიულ პარტნიორებს შორის თანამშრომლობის გაგრძელების თაობაზე ორზაროვნება არ არსებობდა. აგრეთვე, ენერჯოკომპანიის პრეზიდენტმა როვნაგ აბდულაევმა აღნიშნა, რომ სოკარი მზადაა განიხილოს გაზის ფასის შემცირება ყოველ 1000 კუბურ მეტრზე 35-40 აშშ დოლარით. ენერჯეტიკის მინისტრ კახა კალაძის თქმით, მისმა უწყებამ გაზომომარაგების ალტერნატიული წყაროების ძიება იმის გამო დაიწყო, რომ ქვეყნის ბაზარზე ბუნებრივ აირზე მოთხოვნა დღითიდღე იზრდება.

მას შემდეგ, რაც სოკარის წარმომადგენლებმა ექსპორტირებული გაზის მოცულობის გაზრდისა და ფასის შემცირების შესახებ განაცხადეს, სხვა წყაროების ძიება საჭირო აღარ არის. გაზის დამატებით მოცულობას საქართველო შაჰდენიზის მილსადენის მეტი დატვირთვის მეშვეობით მიიღებს. კალაძემ ხაზი გაუსვა იმ ფაქტსაც, რომ ახალი შეთანხმება საქართველო-აზერბაიჯანის კეთილმოხობლური ურთიერთობებისა და საერთო სტრატეგიული ინტერესების ქონის გაცნობიერების ნათელი დემონსტრირებაა.

მთავარ პრობლემებს წარმოადგენდა მილსადენის მიერ გაზის დამატებითი მოცულობის გადაზიდვის შესაძლებლობის არარსებობა და საქართველოში აღნიშნულ ენერჯეტიკულ რესურსზე მოთხოვნის მკვეთრი სეზონურობა, განსაკუთრებით კონტრასტი ზამთრისა და ზაფხულის თვეებს შორის. ამ სირთულეების აღმოსაფხვრელად მხარეებმა დიდი ძალისხმევა გაიღეს, რამაც პროცე-

სის რამდენიმე თვით გაწევა გამოიწვია. კალაძის თქმით, მმართველი პარტიის პოლიტიკური ოპონენტების მხრიდან არაპატიოსანი სქემების გამოყენებას პროცესის დასრულებისთვის ხელი არ შეუშლია. მისი განცხადებით, ერთიანმა ნაციონალურმა მოძრაობამ ქვეყნებს შორის არსებული საქმიანი ურთიერთობები საკუთარი ინტერესებისა და დემაგოგიისათვის გამოიყენა, თუმცა პროცესის შეჩერება მაინც ვერ შეძლო. მანვე მადლობა გადაუხადა საქართველოს მოსახლეობას, რომელიც არ აპყვა ყოფილი მმართველი პარტიის პროვოკაციებსა და არაჯანსაღ კრიტიკას.

სოკარის დელეგაციის ხელმძღვანელმა აღნიშნა, რომ კომპანია საქართველოს ენერჯო სექტორში ერთ-ერთი ყველაზე დიდი ინვესტორია ბოლო ათი წლის განმავლობაში და ის მობარულია, რომ ზემოთ ხსენებული შეთანხმება ანახლებს ამ სტრატეგიულ პარტნიორობას. აბდულაევმა ასევე განაცხადა, რომ სოკარი საქართველოს ენერჯო ბაზარს სტაბილურად ემარაგებს. მან მადლობა გადაუხადა საქართველოს პრემიერსა და ენერჯეტიკის მინისტრს მოლაპარაკების დასრულებისათვის გაწეული შრომისათვის.

აბდულაევს მიაჩნია, რომ აზერბაიჯანი გაზრდის საკუთარ ინვესტიციებს საქართველოში, რადგან ეს პარტნიორობა ორმხრივად მომგებიანია. მხარეებს შორის ბოლო შეთანხმებამ საქართველოსთვის გააჩინა შესაძლებლობა, რომ წინ აღუდგეს გაზპრომის ბერკეტებს. კალაძის განცხადებით, რუსულ მხარესთან არსებულ შეთანხმებას იგივე პირობები ექნება მისი განახლების შემდეგ. აქედან გამომდინარე, საქართველო კვლავც ქვეყნის ტერიტორიის გავლით სომხეთში ტრანზიტით გადატანილი გაზის 10 პროცენტს მიიღებს. გაზის მოცემული რაოდენობის თანხით ჩანაცვლება არ მოხდება, როგორც ეს რუსულ მხარეს სურდა. ეს პირობები გაზპრომთან უკვე შეთანხმებულია და მას მხოლოდ ხელის მოწერა აკლია.

"ქართული ოცნების" წარმომადგენელმა გია ვოლსკიმ აღნიშნა, რომ ამგვარი შეთანხმებით საქართველო უკეთეს პოზიციაში იქნება მისთვის უპირატესი პირობების დასაცავად რუსული კომპანიასთან საუბრის პროცესისას. სოკართან ახალი შეთანხმების მიღწევამდე ქართული მხარე განიხილავდა რუსული "ულტიმატუმსა" და კაბალური შეთანხმების გაფორმების შესაძლებლობას, თუკი აზერბაიჯანული კომპანია ვერ მოახერხებდა საქართველოსთვის გაზრდილი ოდენობის გაზის მიწოდებას.

გაზპრომთან შესაძლო შეთანხმების ხელმოწერამ, რომელიც რუსეთის ფედერაციისთვის იქნებოდა მომგებიანი, პროტესტი გამოიწვია ქვეყნის შიგნით და საქართველოს მთავრობას ეროვნული ინტერესების შელახვაში სდებდნენ ბრალს. 6 მარტს გაიმართა მასობრივი დემონსტრაცია "დაიცავი თავისუფლება". პროტესტის მონაწილეები თავისუფლების მოედნიდან რუსეთის საელჩოს შენობისკენ ცოცხალი ჯაჭვით დაიძვრნენ.

რას მოუტანს საქართველოს ეს კონტროლერული საკითხი? აშკარაა, რომ ყოფილმა მმართველმა გუნდმა გაზპრომთან ახალი პირობებით შეთანხმების გაფორმების შესაძლებლობა „ქართული ოცნების“ პრო-რუსულ ორიენტაციაში დასადასტურებლად და პოლიტიკური ქულების მისაღებად გამოიყენა. თუკი გაზპრომთან ახალი შეთანხმება გაფორმდებოდა შეცვლილი პირობებით და სარგებლის ანაზღაურება ნატურის ნაცვლად ფულადი საფასურით მოხდებოდა, საქართველო კაბალური შეთანხმების მსხვერპლი იქნებოდა მინიმუმ რამდენიმე წლით. დღესდღეობით გაზპრომი საქართველოზე უფრო დამოკიდებული ვიდრე პირიქით, ვინაიდან სომხეთში გაზის ტრანსპორტირებას მხოლოდ საქართველოს გავლით ახორციელებს. შესაბამისად, საქართველოს მთავრობას გარიგების საწარმოებლად რუსეთზე უფრო მეტი კარტი უჭირავს, ვიდრე ეს სოკართან უკანასკნელი შეთანხმების გაფორმების გარეშე იქნებო-



და. იმ შემთხვევაშიც, თუ გაზპრომთან ახალი შეთანხმება არ გაფორმდება, ეს საქართველოს იმდენად არ დააზარალებს, რამდენადც რუსეთის გავლენას სომხეთზე, რაც კრემლს, როგორც ქვეყანაში ენერჯორესურსების ერთადერთ ექსპორტიორს, აქვს. თუკი საქართველო შეთანხმებას აღარ გააგრძელებს ქვეყანა გაზომომარაგების მხოლოდ რამდენიმე პროცენტს დაკარგავს, რაც აზერბაიჯანული გაზით შეიძლება ჩანაცვლდეს. რაც შეეხება რუსეთს, ის აღარ იქნება სომხეთის ენერჯო მომმარაგებელი, რადგანაც ერევანი საკმარის გაზს ირანიდან მიიღებს. ეს ნამდვილად არ შეიძლება რუსეთის სამხრეთ კავკასიურ სტრატეგიულ ინტერესებში. 2015 წლის სექტემბრიდან მო-

ყოლებული, როდესაც მინისტრი პირველად შეხვდა გაზპრომის წარმომადგენლებს, 2016 წლის მარტამდე გაზპრომთან ახალი შეთანხმება განხილვის აქტიურ ფაზაში იყო. ამ საკითხმა დიდი აზრთა სხვადასხვაობა გამოიწვია, რომელიც ხშირად მთავრობის პრორუსული კურსის შესახებ არსებულ ეჭვებს აძლიერებდა და სავარაუდოდ, ქვეყნის საერთაშორისო იმიჯსაც აზარალებდა. ამ უარყოფითი შედეგების მიუხედავად, სოკართან ამჟამინდელი შეთანხმება საქართველოს უქმნის კომფორტულ პოზიციას რუსულ ენერჯეტიკულ გიგანტთან მოლაპარაკებებისას, რაც ქვეყნის ეროვნული ინტერესების სასარგებლოდ უნდა იქნას გამოყენებული.

მიხეილ ჯანელიძე აზერბაიჯანის ხსპუბლიკას ოფისიანეხი ჰიზიხით ანჰია

საქართველოს საგარეო საქმეთა მინისტრი მიხეილ ჯანელიძე ოფიციალური ვიზიტით აზერბაიჯანის რესპუბლიკაში გაემგზავრა.

ვიზიტის ფარგლებში, საქართველოს საგარეო საქმეთა მინისტრი აზერბაიჯანის პრეზიდენტს ილჰამ ალიევს შეხვდება.

დაგეგმილია მიხეილ ჯანელიძის პირისპირ შეხვედრა აზერბაიჯანულ კოლეგასთან ელმარ

მამედიაროვთან, რის შემდეგაც გაიმართება შეხვედრა გაფართოებული შემადგენლობით.

საქართველოს დელეგაცია, საგარეო საქმეთა მინისტრის ხელმძღვანელობით, ასევე შეხვედრებს გამართავს აზერბაიჯანის პრემიერ-მინისტრთან არტურ რასიზადესთან და მილი მეჯლისის თავმჯდომარესთან ოქთაი ასადოვთან.



საქართველოში უსხოანი ტუჩისტების ჩისხვი ბაიზახილა

საქართველოს ვიცე-პრემიერმა, ეკონომიკისა და მდგრადი განვითარების მინისტრმა დიმიტრი ქუმსიშვილმა ბრიფინგი გამართა, რომელზეც საერთაშორისო მოგზაურთა შესახებ უახლოეს სტატისტიკურ ინფორმაციაზე ისაუბრა. მისი განცხადებით, თებერვლის სტატისტიკური მონაცემების თანახმად, საქართველოს, წინა წელთან შედარებით, თითქმის 24 პროცენტით მეტი საერთაშორისო მოგზაური ეწვია. მათ შორის გაიზარდა იმ უცხოელი მოგზაურების ანუ ტურისტების რიცხვი, რომლებმაც 24 საათი და მეტი დაჰყვეს საქართველოში. ეს მონაცემი 19%-ით არის გაზრდილი წინა წლის თებერვალთან შედარებით.

ორი თვის მონაცემებით პოზიტიური ტენდენცია ნარჩუნდება ევროკავშირის ქვეყნებიდან. მათგან ზრდის კუთხით გამოირჩევა იტალია (+29%), საფრანგეთი (+29%), დიდი ბრიტანეთი (+14%), პოლონეთი (+12%) და გერმანია (+7%). საქართველოს ვიცე-პრემიერის, დიმიტრი ქუმსიშვილის განცხადებით, ესაა შედეგი ამ მიმარ-

თულებით საქართველოს მთავრობის აქტიური მუშაობის, რომელიც წარმატებით წარმართავს საქმიანობას უცხოეთის მიზნობრივ ბაზრებზე.

2016 წლის თებერვალში ყველაზე მეტი ვიზიტორის შემოსვლა დაფიქსირდა აზერბაიჯანიდან (+41.9%), თურქეთიდან (+12.2%), სომხეთიდან (+7.5%), რუსეთიდან (+29.2%) და უკრაინიდან (+23.5%). ასევე მნიშვნელოვანი ზრდაა ირანიდან (+80.1%), ბელარუსიდან (+30.3%) და ამერიკის შეერთებული შტატებიდან (+20.5%).

საერთაშორისო მოგზაურების რიცხვის ზრდა დაფიქსირდა 2 თვის მონაცემებითაც. საერთაშორისო მოგზაურების ჯამურმა რაოდენობამ 683,561 შეადგინა, ზრდა კი 13.9%-ია. ტურისტული ვიზიტების რაოდენობამ 236,584 შეადგინა, რაც 11.2%-ით მეტია წინა წლის ანალოგიური პერიოდის მონაცემზე.

2016 წლის მხოლოდ თებერვლის განმავლობაში, წინა წელთან შედარებით, საქართველოს დამატებით ესტუმრა 70,000-მდე საერთაშორისო მოგზაური.

ეს გულისხმობს, რომ მხოლოდ გასულ თვეს 42 მლნ ლარამდე დამატებითი შემოსავალი მიიღო ქვეყნის ეკონომიკამ.

2016 წლის იანვარში საქართველოს აეროპორტებიდან რეგულარული და არარეგულარული რეისებით გადაყვანილია 141,843 მგზავრი. აღნიშნული მონაცემი 14,36 %-ით აღემატება 2015 წლის იანვრის მონაცემებს და თითქმის 15 %-ით მეტია 2014 წლის იანვრის ანალოგიურ მაჩვენებელზე.

საქართველოს ვიცე-პრემიერმა ისაუბრა პროგრამის „აწარმოე საქართველოში“ ფარგლებში ახალ კომპონენტზე „უმასპინძლე საქართველოში“. პროგრამის ფარგლებში დაინტერესებულ მეწარმეს შეუძლია საქართველოს ნებისმიერ რეგიონში, თბილისისა და ბათუმის გარდა ააშენოს ახალი სასტუმრო, მოახდინოს არსებული ინფრასტრუქტურის გაფართოვება/გადააარადება, ასევე, გააფორმოს ფრენჩაიზინგის ხელშეკრულება სასტუმროს საერთაშორისო ოპერატორთან და შემოიყვანოს უცხოური ბრენდი ქართულ ბაზარზე.



სახეცხიფო ჰიოქსს ახანი ჰომჰონანსი - "უმასჰინძლა საქართველოში" დაება



რეგიონებში სასტუმრო ინდუსტრიის განვითარების მიზნით, სახელმწიფო პროგრამას „აწარმოე საქართველოში“ ახალი კომპონენტი - „უმასპინძლე საქართველოში“ დაება.

დაინტერესებულ მეწარმეს შეუძლია სახელმწიფოს თანადაფინანსებით, საქართველოს ნებისმიერ რეგიონში ააშენოს ახალი

სასტუმრო, მოახდინოს არსებული ინფრასტრუქტურის გაფართოვება და შემოიყვანოს უცხოური ბრენდი ქართულ ბაზარზე.

„დღევანდელი პროგრამა უმნიშვნელოვანესია, ვინაიდან ეს პირდაპირ კავშირშია ტურიზმის განვითარებასთან. ჩვენ გვაქვს ვიზიტორების მზარდი რაოდენობა. უკანასკნელ რამდენიმე

თვეში განსაკუთრებით პოზიტიური დინამიკა შეინიშნება და ინფრასტრუქტურამ უნდა აუწყოს ფეხი ამ დინამიკას“, - განაცხადა პრემიერ-მინისტრმა გიორგი კვიციანიძემ.

ახალი პროგრამა დაება რეგიონებში მოღვაწე მეწარმეებს, წამოიწყონ საკუთარი სასტუმრო ინდუსტრიის სფეროში.

10 მახიდან ახანი შილა აჰიაჩიისები შესხილა

საქართველოს ეკონომიკისა და მდგრადი განვითარების სამინისტროს შპს „საქართველოს აეროპორტების გაერთიანება“ ახალ შილა ავიაშიმართულებებს ამატებს - 10 მარტიდან ყოველ სამშაბათსა და ხუთშაბათს შესრულდება ავიარეისები ნატახტარი - ქუთაისისა და ქუთაისი - ნატახტარის მიმართულებით.

რაც შეეხება მგზავრობის დირეზულებას, რეისზე ბილეთის ფასი ერთი მიმართულებით ზრდასრულთათვის იქნება 50 ლარი, ბავშვებისთვის - 35 ლარი, ხოლო ჩვილთათვის მგზავრობა უფასო იქნება.

ყოველ ორშაბათსა და პა-

რასკვეს შესრულდება ფრენები მესტია - ქუთაისი და ქუთაისი - მესტიის მიმართულებით, ერთი მიმართულებით ბილეთის ფასი ზრდასრულთათვის იქნება 40 ლარი, ბავშვებისთვის - 28 ლარი, ჩვილებისთვის უფასო.

ამჟამად ნატახტარის აეროდრომიდან მესტიის მიმართულებით ხორციელდება რეისები კვირაში 4 სიხშირით (ორშაბათს, ოთხშაბათს, პარასკევს და კვირას), ბილეთის ფასი ზრდასრულთათვის 65 ლარია, ხოლო ბავშვებისთვის - 45 ლარი (ჩვილებისათვის მგზავრობა უფასოა). 2015 წლის განმავლობაში აღნიშნული რეისით 4,458 მგზავრმა ისარგებლა.



მსიხა და საშუალო ბიზნესის ნახიშნობებთან დიპლომატიის მედიოკრატიული ფოხმასი იქმნება

გიორგი კვიციანი 4 მარტს მცირე და საშუალო ბიზნესის წარმომადგენლებთან შეხვედრაზე განაცხადა, რომ უნდა გამოიყოს საინიციატივო ჯგუფი, ვინც ბიზნესის წინადადებებს და პრობლემებს მთავრობამდე მიიტანს და მთავრობის წარმომადგენლების ჩართულობით ამ საკითხებზე სწრაფი რეაგირება მოხდება. „ეს გააიოლებს თქვენს ცხოვრებას და ფუნქციონირებას“, - მიმართა პრემიერმა მცირე და საშუალო ბიზნესის წარმომადგენლებს. პრემიერი მიიჩნევს, რომ სახელმწიფომ განსაკუთრებული აქცენტი უნდა გააკეთოს მცირე და საშუალო ბიზნესის განვითარებაზე. „რა თქმა უნდა, მსხვილი ბიზნესი უმნიშვნელოვანესია და საწინააღმდეგო არაფერი მაქვს, თუმცა ის ტრადიცია, სულ ცნობადი სახეები ფიგურირებენ მთავრობის წარმომადგენლებთან შეხვედრაზე, უნდა შეიცვალოს და გამდიდრდეს მცირე და საშუალო ბიზნესის წარმომადგენლებით. ეს არის ძალა, სადაც

ყველაზე მეტი დინამიკაა, ყველაზე მეტი ზრდის მაჩვენებლებია, დასაქმების თვალსაზრისით ჩვენი ეკონომიკის ერთ-ერთი უმნიშვნელოვანესი სექტორია და ჩვენ განსაკუთრებული ყურადღება უნდა დავუთმოთ არსებულ პრობლემებს. ჩვენ მოვებით იმ პრობლემებზე დიდად სასაუბროდ, რომელთა გადაჭრასაც მცირე და საშუალო სექტორისთვის ცვლილებების მოტანა შეუძლია“, - განაცხადა პრემიერ-მინისტრმა. გიორგი კვიციანის შეფასებით, ძალიან საჭირო დოკუმენტი შეიქმნა ეკონომიკის სამინისტროს მონაწილეობით, რომელშიც ჩართულნი იყვნენ საერთაშორისო ორგანიზაციებიც და მთავრობის სურვილია, მცირე და საშუალო ბიზნესის წახალისების სტრატეგიის შექმნაში მცირე და საშუალო ბიზნესის მონაწილეობა და ჩართულობა იყოს მაქსიმალური. მთავრობის მეთაურმა ოთხპუნქტიანი რეფორმების გეგმაზე ისაუბრა, რომლის ერთ-ერთი მთავარი მიმართულება მეწარმეობის წახ-

ლისებაა. „მეწარმეობა, უპირველეს ყოვლისა, გულისხმობს მცირე საწარმოებს და ინიციატორი, დამწყები ბიზნესისთვის განსაკუთრებულად მნიშვნელოვანი დაფინანსების მოპოვებაში ხელშეწყობას. უახლოეს მომავალში დაიწყებს ფუნქციონირებას დამწყები ბიზნესის დაფინანსების ფონდი, მდიდრდება პროგრამა - „აწარმოე საქართველოში“, იწყება მისი ახალი ქვეპროგრამები, მათ შორის „უმასპინძლე საქართველოში“, რომელიც მცირე სასტუმროების ქსელების წახალისებას ახდენს და დაფინანსების მოპოვების კუთხით ძალიან მნიშვნელოვანი ნაბიჯები იდგმება. გვინდა, მოვისმინოთ თქვენი წინადადებები, რა ნაბიჯები შეიძლება გადაიდგას კიდევ, რომ სახელმწიფომ მაქსიმალურად წახალისოს მცირე და საშუალო ბიზნესი“, - განაცხადა პრემიერ-მინისტრმა. გიორგი კვიციანი ასევე ისაუბრა საგადასახადო კოდექსში ცვლილებებზე, რომელიც მოგების გადასახადის გაუქმებას და



მხოლოდ განაწილებული მოგების დაბეგვრას გულისხმობს; მთავრობამ დაამტკიცა მთელი რიგი ღონისძიებები გადასახადების ადმინისტრირების გამარტივების კუთხით მთელი. „მნიშვნელოვანია „სტარტაპის“ დაფინანსება, რათა დამწყებმა ბიზნესმა უზრუნველყოფის გარეშე შეძლოს დაფინანსების მოპოვება და ქვეყანაში დაფინანსდეს ინოვაციური იდეები, საფინანსო ინსტიტუტებში უზრუნველყოფის წარდგენის გარეშე. უმნიშვნელოვან-

ნესია მმართველობის კუთხით მომსახურების გამარტივება და ერთიანი „ფრონტ ოფისის“ შექმნა, სადაც მთავრობის მხრიდან ყველა მომსახურება ბიზნესისთვის ხელმისაწვდომი იქნება, ასევე - ინფრასტრუქტურული და რეგიონული განვითარების პროექტები და ჩვენ ამ პროცესში მცირე ბიზნესის ჩართვას მივცესალმებით“, - განაცხადა პრემიერ-მინისტრმა. პრემიერ-მინისტრთან შეხვედრას მცირე და საშუალო ბიზნესის 50-ზე მეტი წარმომადგენელი დაესწრო.

სამაქთან

აქსისი პეტრიანოვიჩის საქმე - პიხაი შული, პოლიტიკური ბაჩიკა თუ პოპოლარის მსდრობა

რამდენიმე დღის წინ ევროინტეგრაციის ყოფილი მინისტრი, ამჟამად ოპოზიციური პარტიის „თავისუფალი დემოკრატების“ აღმასრულებელი მდივანი ალექსი (ბუკა) პეტრიანოვიჩი საბურთალოს მმთა სასაფლაოზე ცეცხლსასროლი იარაღიდან რამდენიმე გასროლით დაჭრეს. თვითმხილველების მონათხრობით, მას ორი პიროვნება დაესხა თავს. ჯერ ფიზიკურად გაუსწორდნენ და თავის არეში ბლაგვი საგნით დაზიანება მიაყენეს შემდეგ კი, ერთ-ერთმა მათგანმა ის იარაღით ქვედა კიდურში დაჭრა. დამნაშავემ 5 ტყვეა გაისროლა. აქიდან სამი პეტრიანოვიჩის მოხვდა, რის შედეგადაც დაზარალებული რეანიმაციულ განყოფილებაში მოათავსეს. სასაფლაოზე მომხდარ თავდასხმას საზოგადოებაში დიდი გამოხმაურება მოჰყვა. ერთი ნაწილი მიიჩნევდა, რომ პეტრიანოვიჩის დაჭრა ქვეყანაში გაზრდილ კრიმინოგენულ ვითარებას უკავშირდებოდა, მეორე ნაწილი კი ფიქრობდა, რომ პოლიტიკოსზე განხორციელებული ძალადობა გარკვეული ძალების მიერ ორგანიზებული პროვოკაციის ნაწილი იყო და ქვეყანაში დაგეგმილ დესტაბილიზაციას ემსახურებოდა. საზოგადოებაში მესამე მოსაზრებაც მუსირებდა, რომლის თანახმადაც, თავდასხმის მიზეზი პირადი დაპირისპირება იყო. კერძოდ კი, პოლიტიკოსის დაჭრა შესაძლოა პირდაპირ კავშირში

ყოფილიყო მისი მეუღლის, ეკა მიშველაძის ყოფილ მეგობარ მამაკაცთან ბისნესმენ სოსო დოლიძესთან, რომელიც თითქოს პეტრიანოვიჩზე შურისძიებას ცდილობდა. იმ ეჭვებს, რომ პოლიტიკოსზე განხორციელებული თავდასხმა წინასწარ იყო დაგეგმილი რამდენიმე თვის წინ ერთ-ერთ ტელეარხზე მიშველაძის მიერ გაკეთებული განცხადებაც ამაფრებს. მაშინ, მიშველაძემ განაცხადა, რომ მასზე და მის მეუღლეზე თვალთვალი ხორციელდებოდა. სასაფლაოზე მომხდარი შემთხვევიდან კვირაზე მეტი გავიდა, მაგრამ მთავარი შეკითხვა: თუ რა მიზანი ამოძრავებდა მოძალადეს ჯერ კიდევ პასუხგაუცემელია. საინტერესოა ისიც თუ რატომ ესროლა მან პეტრიანოვიჩს კიდურებში: სურდა მოეკლა, მაგრამ მიზანს ააცილა, თუ სურდა შეშინებინა და მიზანში მოახვედრა. არის თუ არა შესაძლებელი, რომ პეტრიანოვიჩის დაჭრა წმინდა წყლის პროვოკაცია იყოს და პირდაპირ უკავშირდებოდეს ქვეყანაში დესტაბილიზაციის მცდელობას, მითუმეტეს, რომ ბოლო პერიოდში მომხდარი გახმაურებულმა მკვლელობებმა საზოგადოებაში შფოთვა და დაუცველობის განცდა შემოიტანეს, ამას ერთვის ის ფაქტიც, რომ მედიამ აქტიურად საუბრობენ კრიმინოგენული ვითარების თითქოსდა გამწვავებაზეც, თუმცა არის ისეთი შემთხვევები, რომლებსაც

თვალს ვერ ვარიდებთ: „რუსთავი 2“-ის დამფუძნებლის, ეროსი კიწმარიშვილის მკვლელობა, რომელიც დღემდე ბურუსით არის მოცული; ბესიკ ხარბიანის ჩახიზნა საკუთარ სახლთან; იური ვაზაგაშვილის აფეთქება საკუთარი შვილის საფლავზე და რადიო „საქართველოს ხმის“ დამფუძნებლის, ვახტანგ კუჭავას მიერ ჩადენილი მკვლელობა თუ თვითმკვლელობა, რომელიც მისი ოჯახის წევრებისთვის ნაკლებად სარწმუნოა. პოლიტიკოსების შეფასებებს პეტრიანოვიჩის დაჭრასთან დაკავშირებით საზოგადოების გაოცება მოჰყვა. გამოძიება დღესაც მუშაობს თავდასხმის მიზეზებსა და მოტივებზე, მაგრამ შემთხვევიდან უმოკლედ დროში ოპოზიციის წევრები პეტრიანოვიჩის დაჭრას პოლიტიკურ შეფერილობას აძლევდნენ. მაგალითად, „თავისუფალი დემოკრატების“ ლიდერმა ირაკლი ალასანიამ განაცხადა, რომ პეტრიანოვიჩზე თავდასხმა ქვეყანაში სრული განუკითხაობისა და მოქალაქეთა დაუცველობის კიდევ ერთი დასტურია იყო. ალასანიამ პეტრიანოვიჩის დაჭრა მკვლელობის მცდელობად შეაფასა. ანალოგიურად განცხადება გააკეთეს „თავისუფალი დემოკრატების“ სხვა წევრებმაც. ნინო გოგუაძის განმარტებით, პოლიტიკოსის დაჭრა პოლიტიკური კლიმატის მაჩვენებელი იყო და მძიმე კრიმინოგენული ვითარებაზე მიანიშნებდა. არავინ

საუბრობდა პირად დაპირისპირებაზე და შესაძლო პროვოკაციის მცდელობაზე. „ოზურვერი“ დაინტერესდა თუ რას უკავშირდებდნენ უმრავლესობის წარმომადგენლები პოლიტიკოსზე თავდასხმას კრიმინალს, პირად კონფრონტაციას, პოლიტიკურ დაპირისპირებას თუ უზრალოდ პროვოკაციას. კოალიცია „ქართული ოცნების“ წევრმა გოგი თოფაძემ გამოიხატა ის ფაქტი, რომ პეტრიანოვიჩის დაჭრა შესაძლოა პროვოკაციასთან ყოფილიყო დაკავშირებული. მისი აზრით, პეტრიანოვიჩი არ იყო იმ რანგის ფიგურა, რომ ვინმეს ის პროვოკაციის მოსაწყობად გამოეყენებინა. „პეტრიანოვიჩის ვიწრო, როგორც კარგ ქართველს და კარგ დიპლომატს. იმედი მაქვს, რომ მალე გამოჯანმრთელდება, სამართალდამცავები კი მალე გამოიძიებენ ამ დანაშაულს. ეს ვერაგული საქმე არ უნდა დარჩეს გაუსხნელი. პასუხი უნდა აგოს, ვინც ჩაიდინა დანაშაული. რაც შეეხება პროვოკაციას, ბუკა პეტრიანოვიჩი არ იყო ის ფიგურა, რომ მის მიმართ ვინმეს პროვოკაცია განეხორციელებინა. ეს არაპუნანური საქციელი იყო და იმედი მაქვს რომ პროკურატურა ყველაფერს სათანადოდ გამოიძიებს“, - განაცხადა თოფაძემ. „ოზურვერი“ „თავისუფალი დემოკრატების“ წევრს ვიქტორ დოლიძესაც დაუკავშირდა. ოპოზიციური პარტიის წარ-

მომადგენელმა ამჯერად კომენტარის გაკეთებისგან თავი შეიკავა და განაცხადა, რომ უმჯობესი იქნებოდა თუ დასკვნებს გამოძიების შემდეგ გააკეთებდნენ. „მოტივებზე მე ვერაფერი გეტყვი. არ ვიცი ამას პოლიტიკური მოტივი ჰქონდა, ეს იყო პროვოკაცია, პირადი თუ სხვა რამ. მოდიოთ დავაცადოთ გამოძიებას. იმედი მაქვს, რომ გამოძიება წინ წავა და მერე შეგვეძლება დასკვნების გამოტანაც“, - განაცხადა დოლიძემ. მანამ, სანამ გამოძიება დაადგენს თუ რა მიზნით დაჭრეს პეტრიანოვიჩი, პოლიტიკოსის „ფეისბუქის“ პირად გვერდზე ფილმიდან „ბაში აჰუკი“ „ბრძოლის სიმღერა“ განთავსდა. მას შემდეგი განცხადება ახლდა თან: „არ გეგონოთ ციებ-ცხელება მაქვს! მალე მწყობრში ვიქნები, მანამდე კი მომესმა ეს ბრძოლის ყოყინა და რა გავაკეთო! საქართველო გაიმარჯვებს! უკვე გული მიგრძნობს, მეც იქვე ახლოში ვიქნები!“, - ნათქვამია გვერდზე. რთული სათქმელია, რომელი ბრძოლაზეა საუბარი და ვის წინააღმდეგ აპირებს საქართველო გამარჯვებას, მაგრამ იმედს ვიტოვებთ, რომ სისხლიანი გარჩევის რეალური მიზეზი უმოკლეს დროში გაირკვევა მანამდე კი „ოზურვერი“ „თავისუფალი დემოკრატების“ ლიდერს სწრაფ გამოჯანმრთელებას და პოლიტიკურ ასპარეზზე დაბრუნებას უსურვებს.

ახალი ხაზიანი ქანთა მიმართ ქანდობის აღმოსაფხვრად

თამაზ უფხიანი

„16 დღე“- ასე ეწოდება აშშ-ს საელჩოს ინიციატივით გამართულ ფოტოგამოფენას, რომელიც ორი კვირის განმავლობაში თბილისის ისტორიის მუზეუმში იქნება წარმოდგენილი. ექსპოზიცია, 16 ქართული ქალის პორტრეტს მოიცავს, რომლებიც თავიანთი საქმიანობით გენდერული ძალადობისა და უთანასწორობის პრევენციისათვის იბრძვიან. საელჩოს გადაწყვეტილებით, გამოფენა მარტს - ქალთა ისტორიის თვეს ეძღვნება, ფოტოები კი ნოემბერში, გენდერული თანასწორობის კამპანიის ფარგლებშია გადაღებული.

„ჩვენთვის დიდი პატივია მსგავსი ღონისძიების მასპინძლობა. საქმე სამწუხაროდ აქტუალურ თემას, ძალადობას ეხება. მადლობა მინდა გადავუხადო ყველა აქ მყოფ ქალბატონს, რომელიც იბრძვის ძალადობის წინააღმდეგ. ასევე, მადლობა ჩვენს პარტნიორს, ბატონ დემიენს, აქ წარმოდგენილი პორტრეტების შექმნისათვის“, - განაცხადა საელჩოს წარმომადგენელმა პრეზენტაციასზე.

მწერალი, დიპლომატი, იურისტი, სამხედრო მოსამსახურე- ეს ფოტოებზე წარმოდგენილი ქალბატონების საქმიანობის არასრული ჩამონათვალია. განსხვავებული პროფესიებითა ისინი ერთი პრობლემის გარშემო ერთიანდებიან. პოპულარული ტელე-სერიალის „ჩემი ცოლის დაქალების“ სცენარისტი, ქეთი დევედარიანი ტელეეკრანიდან ქალთა მიმართ ყოველდღიურ, თითქმის ნორმად ქვეულ პირდაპირ თუ ირიბ, ფსიქოლოგიურ თუ ფიზიკურ ძალადობაზე საუბრობს. ახალაზრდა იურისტთა ასოციაციის თავმჯდომარე ანა ნაცვლიშვილი კი,

ქალთა ემანსიპაციას გენდერულად სენსიტიური მართლმსაჯულების სისტემის ადვოკატრებით ცდილობს.

თითოეული პორტრეტის მიღმა ძლიერი, დამოუკიდებელი ქალი დგას, თუმცა სოციალური წევრობა დისკრიმინაციის მგდელობისგან არც მათ იცავს. „როგორც ლეს-ბოსელი ქალი, თავისთავად ზეწოლას ცხოვრების ყველა სფეროში განვიციდი, ვისმენ ჩემსა და ლგბტ თემის მიმართ შეურაცხყოფელ გამოხატვებებს. სახელმწიფო ჩემთვის მნიშვნელოვან საკითხებს ან კანონმდებლობაში არ ასახავს, ან აღსრულების დონეზე არ აქცევს ყურადღებას. 2013 წლის 17 მაისს კინაღამ მომკლეს, ბევრი ჩემი მეგობარი ფიზიკურად დაშავდა, მაგრამ ამისთვის არავინ დასჯილა. ჩემი გამოცდილება მსგავს თემებზე მუშაობის მოტივაციას მამლევს“, - ამბობს პროექტის მონაწილე ნათია ღვინიაშვილი „ობზერვერთან“ საუბრისას.

პრეზენტაციაზე, ასევე სტამბულის კონვენციის ფარგლებში „ქალთა მიმართ ძალადობის, ოჯახში ძალადობის პრევენციისა და აღკვეთის შესახებ“ ისაუბრეს. აღნიშნული კონვენცია 2011 წლიდან მოქმედებს, საქართველო კი, მას 2014 წელს შეუერთდა. კონვენციის რატიფიკაციის მიზნით იუსტიციის სამინისტრომ საკანონმდებლო ცვლილებათა პაკეტი შეიმუშავა, რომელიც 20-მდე კანონს ეხება. გათვალისწინებული ცვლილებებით სისხლის სამართლის კოდექსში ახალი მცნება - ადევნება შემოიღეს. რაც გულისხმობს უკანონო თვალთვალს დაზარალებულისთვის ნებისმიერი სახის არასასურველ

კომუნიკაციას, რომელსაც სისტემური სახე აქვს და შეიცავს მუქარას ან შეურაცხყოფას. მსგავსი დანაშაულისთვის მაქსიმალურ სასჯელი ორ წლამდე თავისუფლების აღკვეთაა. ამ ცვლილების ამოქმედების შედეგად განხილულ იქნება პროკურატურის მიერ ასობით დაზარალებულის განაცხადი, მოძალადე კი - დასჯილი.

აღნიშნული ცვლილებებით სამართლებრივად ქალი არა მხოლოდ ოჯახში, არამედ მის გარეთაც დაცული იქნება. თუ მოქმედი კანონით უფასო იურიდიული კონსულტაციითა და დროებითი თავშესაფრით სარგებლობა მხოლოდ ოჯახში ძალადობის მსხვერპლს აქვს, ახალი რეგულაციით, ეს პირობები ნებისმიერ ქალზე გარეგნულად.

ახალი კანონმდებლობა მნიშვნელოვნად შეუწყობს ხელს გაუპატიურების მსხვერპლი ქალების პრობლემების დღის სინათლეზე გამოტანას, რადგან აქამდე საკუთარი უფლებებისათვის ბრძოლას მათი ფინანსები და რეპუტაცია ერთნაირად ეწირებოდა.

მნიშვნელოვან დამატებად უნდა მივიჩნიოთ, ძალადობის მსხვერპლი ქალებისათვის დამნაშავის სასჯელისგან გათავისუფლების შესახებ ინფორმაციის დროულად მიწოდების ვალდებულების დაწესება. აქამდე, კანონში მსგავსი მექანიზმის არარსებობა ზრდიდა ქალის ხელახლა მსხვერპლად ქცევის ალბათობას.

ცვლილების თანახმად, კი საპატიმროს ადმინისტრაცია ვალდებულია დამნაშავის განთავისუფლებამდე სამი თვით ადრე ამის შესახებ წერილობით შეატყობი-

ნოს საუბნო პოლიციას, რომელიც, თავის მხრივ, ვალდებულია აღნიშნული დაზარალებულს ამცნოს.

კანონში მსგავსი მექანიზმების ჩადებით ძალადობასთან ბრძოლის რეალური, ეფექტური შანსი ჩნდება. საქართველოს განვითარებულ ქვეყნებში უკვე წარმატებით დატესტილი ბერკეტების გამოყენების შესაძლებლობა აქვს. პოსტ-საბჭოთა პოლონიის მთავრობა ქალთა დისკრიმინაციის თემით სულ რამდენიმე წელია დაინტერესდა, მაგრამ უკვე მოახერხა ეფექტური მექანიზმების შექმნა, რაც ქართულ საკანონმდებლო სისტემას ჯერ კიდევ აკლია. ჩვენს ქვეყანაში ძალადობის შემთხვევებზე ოჯახში გამოძახებისას პოლიციელები დამოუკიდებლად მუშაობენ. ეს არა ეფექტურია და ხშირად უარყოფითადაც მოქმედებს მსხვერპლზე, რადგან ერთჯერადი შემოწმების შემდეგ, პოლიცია მათზე დაკვირვებას არ განაგრძობს. უფლებათა დაცვის მხრივ წინადადებული ნაბიჯი იქნება თუ საქართველო ევროპული ქვეყნების გამოცდილებას გაიზიარებს და აპრობირებულ პრაქტიკას დამკვიდრებს. მაგალითისთვის, პოლონიის მსგავს საქმეებზე, სამართალდამცავებთან ერთად სპეციალური სამსახური მუშაობს, რომელიც ამ პრობლემის მქონე ოჯახებს პერიოდულად შეისწავლის და მათთვის რეაგირების ინდივიდუალურ გეგმას ადგენს.

2014 წელს, ილიას სახელმწიფო უნივერსიტეტში ყოფილი ქმრის მიერ ცოლის მკვლელობის ფაქტი ალბათ არ მოხდებოდა, პოლონიის მსგავსად საქართველოშიც რომ არსებობდეს ელექტრონული

სამაჯური, რომელიც ორდერის გამოწერის შემდეგ მოძალადეს გადაეცემა. მსხვერპლთან დასაშვებ დისტანციაზე ახლოს მიახლოვებისას კი შეტყობინება იგზავნება, როგორც მასთან, ასევე პრობაციის სამსახურთან.

საბოლოოდ ორმხრივი თანამშრომლობით, საზოგადოების ცნობიერების ამაღლებით და მთავრობის დაინტერესებით შესაძლოა შეიცვალოს ის შემაფოთებელი სტატისტიკა, რომლის მიხედვითაც 2013-2014 წლების ექვს თვეში ოჯახური ძალადობის მსხვერპლი 372 ქალი იყო. თუმცა, უნდა აღინიშნოს, რომ ქალთა ძალადობის პრევენცია ვრცელდება ყველა სფეროზე, ოჯახსა და მის გარეთ.

„გაუმჯობესდა დაცვის და თავდაცვის მექანიზმები. ბევრმა ქალმა იცის რა არის ძალადობა და დისკრიმინაცია და თავადაც ახერხებს თავის დაცვას ან დახმარების თხოვნას. ჩვენი გაძლიერება ხდება პრობლემებზე ღიად საუბრით და საბოლოო ჯამში იმის აღქმით, რომ ქალი არ არის მეორეხარისხოვანი, რომ მას არა მხოლოდ შეუძლია, არამედ უნდა მოითხოვოს საკუთარი უფლებების დაცვა, ძალადობისა და დისკრიმინაციის შემცირების ერთ-ერთი წინაპირობა“, - ამბობს ნათია ღვინიაშვილი.

თბილისის ისტორიის მუზეუმის ადმინისტრაცია „ობზერვერთან“ საუბრისას აცხადებს, რომ ისინი ეწინააღმდეგებიან ნებისმიერი სახის, ნებისმიერ სქესზე განხორციელებულ ძალადობას, რაც შეეხება ფოტოგამოფენას. ის ერთი კვირის განმავლობაში დარბაზში იქნება წარმოდგენილი, შემდეგ კი ნამუშევრები მუზეუმის შიდა აივანზე გამოიფინება.

ქანთა უფლებების დაცვის საერთაშორისო დღეს ახალი "პოლიტიკა SHE" ბაიბაჩთა



ქალთა მოძრაობა უერთდება 8 მარტის აღნიშვნას და ქალების პასიური საარჩევნო ხმის უფლებას (უფლება იყო არჩეული) მოითხოვს.

„დღეს საქართველოში ქალები არ ვმონაწილეობთ ქვეყნის მართვაში. ჩვენ არ ვართ პოლიტიკაში, რადგან ჩვენ არ ვართ საარჩევნო სივრცეში. პარტიულ სივრცეში მოხვედრა არც განათლებაზე დამოკიდებული, არც გამოცდილებაზე და არც პრინციპულობაზე. პოლიტიკური პარტიები საარჩევნო სივრცეში დემოკრატიული პრინციპების დაცვის გარეშე ადგენენ და პოლიტიკის გარეთ ტოვებენ ქალებს“, - ნათქვამია განცხადებაში.

გასულ წელს ქალთა მოძრაობა ითხოვდა სავალდებულო კვოტებს - საარჩევნო სივრცის შედგენის კანონით დარეგულირება, რომელიც უზრუნველყოფდა ქალების 25% წარმომადგენლობას პარლამენტში. წელს, მოძრაობა ითხოვს, რომ საქართველოს პარლამენტმა კენჭი უყაროს კვოტების კანონპროექტს.

„ჩვენ გვინდა, ვიცოდეთ, რომელი დეპუტატი დაუჭერს მხარს კვოტებს - გვინდა ვიცოდეთ, ვის მივცეთ ხმა 2016 წლის საპარლამენტო არჩევნებში“, - აცხადებენ აქციის ორგანიზატორები.

აქცია დაგეგმილია 8 მარტს, 16:00 საათზე, პარლამენტის ყოფილი შენობის წინ. აქციაზე სიტყვით გამოვლენ ქალთა უფლების დამცველი აქტივისტები და კვოტების მხარდამჭერი პოლი-

ტიკოსები. აქციას მუსიკით მხარს დაუჭერენ ქეთათო, ერეკლე დეისაძე და ნინა სუბლატი.

ორგანიზატორები აქციის მონაწილეებს ცხელი სასმელებით გაუმასპინძლებიან. დარიგდება სამახსოვრო საჩუქრები და შეგროვდება შემოწირულობები, რომელიც გადაერიცხება ფონდს ქალთა ძალადობის წინააღმდეგ ბრძოლის მხარდასაჭერად.



3 მაისი საქართველოში - ახალი ინიციატივები დედის დღესთან დახავშიებით

ნაა ფსოვიანი

დედის დღესთან დაკავშირებით, პარლამენტის ჯანდაცვისა და სოციალურ საკითხთა კომიტეტის თავჯდომარე დიმიტრი ხუნდაძე, რომელიც ასევე ქვეყანაში დემოგრაფიულ მიმართულებას ხელმძღვანელობს, მრავალშვილიანი მშობლის სტატუსის განსაზღვრის ინიციატივით გამოვიდა.

„მსურს, დედის დღე მივულოცო საქართველოში და მის ფარგლებს გარეთ მცხოვრებ ყველა დედას. გვჭირდება რაც შეიძლება მეტი მრავალშვილიანი ოჯახი. სამწუხაროდ, ქვეყანაში, სადაც დემოგრაფიული პრობლემები მძვინვარებს, მრავალშვილიანი მშობლის სტატუსი განსაზღვრული არ არის. დღეს არ არსებობს ერთი სტანდარტი. მაგალითად, სხვადასხვა სამინისტროს 3 შვილიანი ოჯახები ჰყავთ მიჩნეული მრავალშვილიანი ოჯახებად და შესაბამისი პროგრამებიც მათთვის მოქმედებს, მაგრამ თვითმმართველობები გადაწყვეტილებებს ინდივიდუალურად იღებენ და მრავალშვილიანებად 3, 4, 5 ან მეტშვილიანი ოჯახებს მიიჩ-

ნევენ. ქვეყანაში უნდა არსებობდეს ერთიანი სტანდარტი, თუ რამდენშვილიანი ოჯახი ითვლება მრავალშვილიანიად,“ - განაცხადა ხუნდაძემ.

მისი თქმით, ჯანდაცვისა და სოციალურ საკითხთა კომიტეტი მრავალშვილიანი მშობლის სტატუსის განსაზღვრაზე მუშაობს, თუმცა შეფერხებას იწვევს საყოველთაო აღწერის შედეგები, რის საფუძველზეც უნდა დადგინდეს რამდენი შვილის შემთხვევაში მიიჩნევა მშობელი მრავალშვილიანად.

მსგავსი ინიციატივა მარტოხელა დედის სტატუსის განსაზღვრასთან დაკავშირებით საქართველოს სახალხო დამცველმა უჩა ნანუაშვილმა რამდენიმე წლი წინ გააჟღერა. იგი ხაზს უსვამდა მარტოხელა დედების წვლილს, რომელთაც მარტომ იკისრეს შვილის აღზრდა-განვითარებისათვის ზრუნვა სახელმწიფო დახმარებისა და საზოგადოების მხარდაჭერის გარეშე. გაბატონებული სტერეოტიპული შეხედულებების გამო კი საქართველოში მარტოხელა დედები ხშირად ხდებიან

ძალადობის მსხვერპლნი.

„სრულიად საქართველოს ვულოცავ დედის დღეს, რომელიც პატივისცემისა და სიყვარულის გამოხატვის დღეა. განუზომელია დედების წვლილი მომავალი თაობების აღზრდა - განვითარებაში და მნიშვნელოვანია, ყველა ჩვენგანმა გავითავისოს, რომ ეს თანამართი პასუხისმგებლობა როგორც მშობლების, ასევე სახელმწიფოსათვის“, - განაცხადა სახალხო დამცველმა თავის მიმართვაში.

მან ხაზი გაუსვა ქვეყანაში ქალთა უფლებრივ მდგომარეობასა და გენდერულ უთანასწორობას. არსებული გამოწვევების ფონზე, განსაკუთრებული საჭიროებები დედებს გააჩნიათ, რომელთაც მავნე პრაქტიკის გამო, ხშირად მარტოს უწევთ შვილების აღზრდაზე ზრუნვა. შესაბამისად, მათი მხარდამჭერი და უფლებების დამცველი სახელმწიფო უნდა იყოს. მძიმე ეკონომიკურ-სოციალური მდგომარეობის გამო დახმარება ესაჭიროებათ მრავალშვილიანი დედებსაც.

დედის დღე, რომელიც ქალთა წვლილის პატივისცემისა და მათი

დაფასების მიზნით, საქართველოს პირველმა პრეზიდენტმა ზვიად გამსახურდიამ დააწესა, მხოლოდ მილოცვების დღესასწაულად არ უნდა რჩებოდეს. იმისთვის, რომ ქვეყანაში ყველა დედას ამ დღეს მაინც საზეიმო განწყობა ჰქონდეს, მათზე მზრუნველობა საჭიროა.

სახელმწიფო ვალდებულია, ხელი შეუწყოს დედობის, როგორც სოციალური ფუნქციის სწორად გააზრებას და ახალი ინიციატივების ამოქმედების შედეგად გაზარდოს მათი როლი საზოგადოებაში.

გარდა ამისა, ხელისუფლების მუდმივ საზრუნავს უნდა წარმოადგენდეს ქალთა უფლებრივი მდგომარეობის გაუმჯობესება, რადგან თანამართი უფლებები ყველაზე დიდი მონაპოვარია დემოკრატიული საზოგადოებისათვის.

საქართველოში არსებული მწვავე დემოგრაფიული პრობლემის პარალელურად, სახელმწიფოს მხრიდან უპრიანი იქნება შესაბამისი სოციალური სერვისების ამოქმედება და ცალკეულ სფერო-

ებში დაგეგმილი ინიციატივების ერთობლივად ამუშავება, რაც ერთი მხრივ, არსებულ მდგომარეობას გააუმჯობესებს და მეორე მხრივ, ქვეყნის დემოგრაფიასაც დადებითად წაადგება.

მართალია, დიმიტრი ხუნდაძემ თავის მიმართვაში ისიც აღნიშნა, რომ „სახელმწიფო მრავალშვილიან დედებზე ზრუნვას პრიორიტეტად აცხადებს“, თუმცა მოიტანს თუ არა აღნიშნული ინიციატივები რეალურ შედეგებს, ამას უკვე დრო და მარტოხელა და მრავალშვილიანი დედებისთვის გაუმჯობესებული სოციალური მდგომარეობა გვიჩვენებს. აღსანიშნავია, რომ დედის დღეს მრავალსაუკუნოვანი ისტორია აქვს და სათავეს ჯერ კიდევ ანტიკურ საბერძნეთში იღებს, თუმცა მისი დღესასწაულად ჩამოყალიბება თანამედროვე ეპოქას უკავშირდება.

საქართველოში პირველი პრეზიდენტის გადაწყვეტილება 1991 წელს უზენაესმა საბჭომ დაამტკიცა, რომლის მიხედვითაც 3 მარტი ოფიციალურ უქმე დღედ გამოცხადდა.



Palace of Hospitality

Hotel "Tiflis Palace" Offers 7 Categories of Elegantly Designed, Comfortable Rooms from 18m² to 140m² with Picturesque Views of Old Tbilisi. Everything to Ensure Luxury Comfort and the Best Rest for Our Dear Guests!






Conference & Banquet Services

Tiflis Palace Provides the Perfect Environment for Business Meetings as well as for a Truly Romantic Wedding in a Legendary Place with an Astonishing and Unforgettable Views. Trust Your Business Event to Our Professionals!






3, Gorgasali Street, 0105, Tbilisi, Georgia

Tel: +995 32 2 000 245

www.tiflispalace.ge

სსოპხაბა "შეჩიიბის" სბახსიი

ბჰანსა სიიიიიიი

საქართველოს სტატისტიკის ეროვნული სამსახურის ბოლო მონაცემებით, საქართველოში 169 000 სოციალურად დაუცველი ადამიანია აღრიცხული. მათ შორისაა სოციალურად დაუცველი 32 ოჯახი, რომელთა საცხოვრებელიც დღეს ყოფილი 68-ე სკოლის ავარიული შენობაა.

აღნიშნული შენობა ეკონომიკის სამინისტროს ბალანსზეა. თუმცა განათლების სამინისტროს ექსპერტების დასკვნით, მისი სკოლის შენობაზე გამოყენება სახიფათოა. ამის გამო სამი წლის განმავლობაში იგი უფუნქციო და ცარიელი იყო. თუმცა უკვე მეოთხე წელი უსახლკაროდ დარჩენილთა თავშესაფარი გამხდარა.

შესვლისთანავე თვალში მოგხვდებათ აყრილი პარკეტი, ჩამსხვრეული მინები, საღებავჩამოცვენილი დამსკდარი კედლები, რომლებზეც ჩამოსული წვიმის კვალია დამჩნეული. ყოფილი საკვლასო ოთახებიდან კი, ბუხრის კვალი გამოდის.

„ობზერვერთან“ საუბრისას ერთ-ერთმა მაცხოვრებელმა, ყოფილმა ვეტერანმა გა ბერიძემ აღნიშნა, რომ მათი მთავარი პრობლემა ბუნებრივი აირის და „თელასის“ აბონენტებზე აღრიცხვაა. ამის უფლებას კი ეკონომიკის სამინისტრო არ იძლევა და დღემდე სკოლის მკვიდრნი გაზის გარეშე ცხოვრობენ.

„მეოთხე წელია აქ ვცხოვრობ. უსახლკაროთა ნაწილმა ოთახები ვაგზალზე ყოფილ საშობიაროში დაიკავა. ადგილი ყველას არ ეყო, ამიტომ ნაწილი ამ ცარიელ შენობაში შემოვიდით. 600 ლარამდე ელექტროენერჯის დავალიანება თავად დავფარეთ. თუმცა იმის გამო, რომ აბონენტები არ ვართ, ერთი საერთო მრიცხველი ეზოში გვიყენია. გადასახადის გადანაწილებაზე კი სამე-

ზობლში ხშირად კონფლიქტია. არც გაზი გვაქვს, ბუხრით გვიწევს გათბობა. მიუხედავად იმისა, რომ გაზის მილები შენობაში შემოყვანილია, ოთახებში შეყვანის უფლებას ეკონომიკის სამინისტრო არ გვაძლევს, განსხვავებით ვაგზლის საშობიაროში მაცხოვრებლებისგან“, - განაცხადა ბერიძემ.

ვაგზალზე არსებული ყოფილი საშობიაროც ეკონომიკის სამინისტროს კუთვნილებაშია. შესაბამისად, ამ საკითხთან დაკავშირებით „ობზერვერ“ ეკონომიკის სამინისტროსაც დაუკავშირდა. მათ ქონების მართვის სააგენტოსთან გადაგვისამართეს, თუმცა მათთან დაკავშირება შეუძლებელი აღმოჩნდა.

„შეჭრილებმა“ წყალი და საპირფარეო საკუთარი სახსრებით გააკეთეს. ავარიულ კედლებსა და ჩამოშვებულ წვიმას კი, ვერაფრით შევლიან. გა ბერიძის თქმით, დახმარება არაერთხელ ითხოვეს, თუმცა უშედეგოდ. „ეკონომიკის სამინისტროსთან მიმართებაში არ გაჭრა, შუამდგომლობა დეპუტატ ჯაბა ჯიშკარიანს ვთხოვეთ. მანაც უარი გვითხრა და კაბინეტის დატოვება მოგვთხოვა“, - აღნიშნავს ბერიძე.

საუბარში მისი ხანშიშესული დედაც ჩაერთო, რომელმაც კიდევ ერთ პრობლემაზე, სოციალური დახმარების მიღებაზე აღნიშნა და განაცხადა, რომ შემოწმებამო მოსული სოციალური მუშაკები მაღალი შეფასების ქულებს აძლევდნენ, რის გამოც ისინი დახმარების გარეშე რჩებიან.

მაცხოვრებლების განმარტებით, შენობაში იმის გამო შევიდნენ, რომ ის კერძო საკუთრებას არ წარმოადგენს და სახელმწიფოს კუთვნილებაშია. მერიის განცხადებით კი, მათ კანონიერი სარგებლობის დამადასტურებელი დოკუმენტის გარეშე დაიკავეს სა-

ხელმწიფო ქონება, შესაბამისად, სამართლებრივად აღნიშნულ პირებზე ბუნებრივი აირის შეყვანის უფლება ვერ გაიცემა. თავის მხრივ, 68-ე საჯარო სკოლის უძრავი ქონებით სარგებლობის უფლების გადაცემას განათლებისა და მეცნიერების სამინისტროც ითხოვს.

ყოფილი 68-ე სკოლის მაცხოვრებლებისგან განსხვავებით, სოციალურ დახმარებას გუდამაყრის 2 ნომერში მდებარე ყოფილ კარდიოლოგიურ შენობაში შესახლებული ადამიანები ვერ იღებენ. ამის მიზეზი კი 2013 წელს სახელმწიფოს მიერ ქვეყანაში სიღატაკის დონის შემცირებისა და „მოსახლეობის სოციალური დაცვის სრულყოფის ღონისძიებათა დადგენილებაში“ შეტანილი ცვლილებებია.

ცვლილებების მიხედვით, სოციალურად დაუცველთა მონაცემთა ბაზაში რეგისტრაციისთვის განაცხადი არ მიიღება, თუ მამიებლის საცხოვრებელი კანონიერად არ იმყოფება სახელმწიფო საკუთრებაში. ეს ადამიანები კი „შეჭრილები“ არიან შენობაში, რომელიც ინფექციური პათოლოგიის, შიდსისა და კლინიკური იმუნოლოგიის ცენტრის ბალანსზეა. მასზე პასუხისმგებელი კი საქართველოს შრომის, ჯანმრთელობისა და სოციალური დაცვის სამინისტროა.

პირობები მეტად მძიმეა. შენობაში საშინელი ანტისანიტარიაა. კორპუსში არ ფუნქციონირებს კანალიზაცია. მზის სინათლე ჩამონგრეული კედლების უმინო სარკლებიდან აღწევს. უკანონოდ შეყვანილი ელექტროენერჯია კი მომხმარებლებს გასულ წელს ჩაუჭრეს, რაც დღემდე მოუგვარებელ პრობლემად რჩება. წყლის პრობლემა საკუთარი სახსრებითა და გამგებობის დახმარებით გადაჭრეს.



რებით გადაჭრეს.

„წერილი მივწერეთ თბილისის მერს. მან ნამალადევის რაიონის გამგებობას დაავალა და სასმელი წყალი მათი დახმარებით გვაქვს, მაგრამ არ გვაქვს ელექტროენერჯია. ბავშვებს სანთლის შუქზე უწევთ მეცადინეობა. „თელასის“ წარმომადგენელმა გვითხრა, თუ მრიცხველებს დაგიდგამთ ე.ი. გაჩუქეთო. რა თქმა უნდა, არ გვიდგამენ“, - აღნიშნავს ესმა მოსიაშვილი.

აქ მაცხოვრებელ 100-მდე ოჯახს შორის დევნილები, სოციალურად დაუცველები და უსახლკაროები არიან. როგორც აღნიშნეს, მათ იციან, რომ არაკანონიერად, არასწორად მოიქცნენ, მაგრამ სხვა გზა არ ჰქონდათ. უკიდურეს გაჭირვებაში ცხოვრობდნენ და ბინის ქირას ვერ იხდიდნენ. დღეს კი, მუდმივად გასახლების შიშით არსებობენ.

დისისა და კლინიკური იმუნოლოგიის ცენტრის დირექტორის, შოთა გოგიაშვილის თქმით, მათ ქუჩაში გაყრას არავინ უპირებდა. სახელმწიფომ სამი თვის განმავლობაში 600 ლარი გამოუყო ბინის საქირაველად, შემდგომ კი ალტერნატიული ფართიც გადაეცემოდათ.

აღნიშნულ ფაქტს მაცხოვრებლები არ უარყოფენ, თუმცა ამბობენ, რომ ვინც შეცდა და წავიდა 3 თვის შემდეგ უკან დაბრუნდა, რადგან მხოლოდ 600 ლარი მიიღეს, ალტერნატიული ფართი კი არა.

ყოფილი 68-ე სკოლისა და კარდიოლოგიური შენობის მაცხოვრებლები სახელმწიფოს მხრიდან ყურადღებას ითხოვენ. მათი ერთადერთი სურვილი ალტერნატიული ფართის მოძიებაა, რათა შენობაში „შეჭრილების“ სტატუსით ცხოვრების გაგრძელება აღარ მოუხდეთ.

ეპოიბიხანსბიისა და დავნიიბის ნანიის სასსოპხაბიი ფაიიიი დაეხანონდა

ბაბუეხაში აფთიიბისას დალუჯიი ხიიი 10 მეხიიიიი ნაბიი იიიიიიიიიიიი



200-ზე მეტ ეკომიგრანტს საცხოვრებელი სახლი და მიწის ნაკვეთი დაუკანონდება და ეს პროცესი გაგრძელდება, - ამის შესახებ საქართველოს პრემიერ-მინისტრმა გიორგი კვიციანიშვილმა მთავრობის დღევანდელ სხდომაზე განაცხადა.

მთავრობის მეთაურის თქმით, ეკომიგრანტების, წლების განმავლობაში გადაუწყვეტელ საკითხზე, მნიშვნელოვანი ნაბიჯები იდგმება. „ეს არის ამოცანები, რომელთა

გარშემო ჩვენ უნდა მოვახდინოთ მაქსიმალური კონცენტრირება“, - განაცხადა პრემიერ-მინისტრმა. მთავრობა ასევე მიიღებს გადაწყვეტილებას 145 დევნილი ოჯახისთვის საცხოვრებელი სახლების დაკანონების შესახებ.

აფხაზეთის ომის დროს ბაბუშერას აეროპორტში თვითმფრინავის აფეთქებისას დაღუპული კიდევ 10 მეზობლის ნეშტი იდენტიფიცირებულია.

დევნილთა და განსახლების მინისტრი სოზარ სუბარის ლევან სამხარაულის სახელობის ექსპერტიზის ეროვნულ ბიუროში იმყოფებოდა, სადაც 10 იდენტიფიცირებული ნეშტი ოჯახის წევრებს გადასცეს. ექსპერტიზის ბიუროდან ცხედრები სამების საკათედრო ტაძარში გადასვენეს. 5 მარტს, სამოქალაქო პანაშვიდის შემდეგ აფხაზეთიდან გადმოსვენებული მეზობლები დიდშის მძათა სასაფლაოზე სახელო პატივით დაკრძალეს.

2010 წელს წითელი ჯვრის ეგიდით შეიქმნა ორმხრივი საკოორდინაციო ჯგუფი, რომელიც 1992-1993 წლებში ქართულ-აფხაზური კონფლიქტის შედეგად უგზო-უკვლოდ დაკარგულთა მოძიების საკითხებს შეისწავლის. მოლაპარაკებების შედეგად გადაწყდა

ბაბუშერას მძათა სასაფლაოს გახსნა და ცხედრების ექსპლაცია.

ბაბუშერას მძათა სასაფლაოზე სამარხის გახსნის შემდეგ, იდენტიფიცირების მიზნით, ნეშტები გადმოსვენებულ იქნა ლევან სამხარაულის სახელობის სასამართლო ექსპერტიზის ეროვნულ ბიუროში. საქართველოში ჩატარებული გენეტიკური პროფილები ხორვატიაში, ზაგრების უნივერსიტეტის დნმ ლაბორატორიაში გაიგზავნა. ამ ეტაპზე, სულ იდენტიფიცირებულია 31 ნეშტი.

„უახლოეს მომავალში მოხდება ბაბუშერას მძათა სასაფლაოდან გადმოსვენებული კიდევ 12 ნეშტის იდენტიფიცირება. დევნილთა და განსახლების სამინისტროსა და აფხაზეთის დე ფაქტო მთავრობის წარმომადგენლებს შორის მიმდინარე მოლაპარაკებების შედეგად, 2016 წელს კიდევ ორი სამარხი გაიხსნება, საიდანაც 100-ზე მეტ ცხედარს გადმოსვენებენ“, - განაცხადა სამინისტროს პრეს სამსახურმა.

სწოხილი აზიხბიჯანი მხაბვი ახსხიხუნი სიოვნიხს იონიონის შედეგ თიიონი მასპინიიონ

ნიონი მასპინიიონი

არაერთი სერთამორისო ჯილდოს მფლობელი აზერბაიჯანელი მხატვარი ფარჰად ხალილოვი, გამოფენას საქართველოში მართავს. თანამედროვე ხელოვნების ბრწყინვალე წარმომადგენლის ნამუშევრების დათვალიერება საქართველოს ეროვნული მუზეუმის დიმიტრი შვეარდნაძის სახელობის ეროვნულ გალერეაში 1-ლი მარტიდან 22 მარტამდეა შესაძლებელი.

გამოფენაზე წარმოდგენილი 35 ნამუშევარიდან უმეტესი ნაწილი ბოლო წლებშია შექმნილი. ერთ-ერთი პირველი ნამუშევარია „მოხუცი კაცის პორტრეტი“, რომელიც 1961 წელსაა შესრულებული. ხალილოვმა შეძლო საბჭოთა იდეოლოგიისაგან თავისუფალი, საკუთარი სტილის შექმნა და კავკასიელის მდიდარი ბუნებისა და შინაგანი სამყაროს საინტერესო კუთხით წარმოჩენა.

აზერბაიჯანელ მხატვარს დღემდე არაერთი პერსონალური გამოფენა ჰქონდა ლონდონში - „საათის გალერეაში“, ბერლინში - საქალაქო ადმინისტრაციის გალერეაში, მოსკოვში - მხატვართა ცენტრალური სახლისა და ტრეტიაკოვის სახელმწიფო გალერეაში, ბაქოში - სახელმწიფო მუზეუმების ცენტრში, პარიზში - „La Cite Internationale des Arts“- ში. ასევე, მონაწილეობა აქვს მიღებული

სხვადასხვა ქვეყნის 40-მდე ჯგუფურ გამოფენაში.

მისი ნამუშევრები ინახება აზერბაიჯანის, უკრაინის, რუსეთის, ლიტვის, გერმანიის, ჩინეთის სახელმწიფო მუზეუმებისა და აზერბაიჯანის მხატვართა სერთამორისო კონფედერაციის კოლექციებში. ასევე აშშ-ის, გერმანიის, პოლონეთის, საფრანგეთის და მექსიკის კერძო კოლექციებში.

ფარჰად ხალილოვი 1987 წლიდან დღემდე აზერბაიჯანის მხატვართა კავშირის თავმჯდომარეა. მას სხვადასხვა დროს მიღებული აქვს მრავალი ჯილდო. დღეს მისი ნამუშევრები იყიდება სოტისა და ფილიპ დე პიურის აუქციონებზე.

მხატვრის ხელოვნებას ახასიათებს პლასტიკური ენის უქველი სიციხადე. ამავე დროს იგი გამოირჩევა მხატვრული სიტყვის მრავალმნიშვნელოვანი ტრაქტატებით. მხატვრის აღქმა და ინტერპრეტაცია ერთი შეხედვით გამუდმებით ავლენს პარადოქსალურ მომენტებს. მაგალითად, ფერწერული ექსპრესია, რომელიც გულისხმობს გარკვეულ სპონტანურობას, მის შემოქმედებაში ვირტუოზულ სახეს იღებს. მხატვრის თვითიდენტიფიკაცია კი ეფუძნება მის მიერ ეროვნული ლანდშაფტის მძაფრ აღქმას. ღრმა ტრადიციების გამოხატვა ჰარმონი-

ულად ერწყმის მისი არტიტული თვითგამოხატვის ბუნებას. თვალშისაცემი ინდივიდუალიზმი, რომელიც სცილდება ფერწერის ლოკალური სკოლის ჩარჩოებს, მსოფლიო ხელოვნების XX საუკუნის მეორე ნახევრიდან XXI საუკუნის დასაწყისამდე, „Colour field painting“-დან ნეოექსპრესიონიზმამდე, იძლევა არსებული ინდივიდუალური მოვლენების შედარების საშუალებას.

„ფარჰად ხალილოვის ფერწერული ხელოვნების არსის გაგებისთვის სასარგებლო იქნება გარკვეული მუსიკალური კონტაქტა: მისი ფერწერა იპყრობს მხანველს, თავისი ჟღერადობით, გადაწყვეს იგი კოსმიურ სტიქიაში. მისი ნამუშევრები საშუალებას გვაძლევს ვენდოთ საკუთარ ინტუიციას, დამთვალეირებელთა გამოცდილებასა და ესთეტიკურ გემოვნებას, შევიჭრათ ამ შთამბეჭდავი პიროვნების მიერ შექმნილ არტ კოსმოსის ჰარმონიაში“, - განაცხადა გამოფენის კურატორმა.

თავად მხატვარმა კი „ობზერვერთან“ საუბარში აღნიშნა, რომ საქართველო მალევე უყვარს და აქ გამოფენის გაკეთების სურვილი მუდმივად ჰქონდა.

„ლონდონის გამოფენის შემდეგ დამირეკეს და მითხრეს, რომ თბილისის ივანე ჯავახიშვილის

სახელობის უნივერსიტეტში უნდა ჩამეტარებინა მონიტორინგი. იმის მიუხედავად, რომ ძალიან დაღლილი ვიყავი, თბილისში ჩამოსვლაზე უარი ვერ ვთქვი. ძალიან ბედნიერი ვარ, რომ ჩამოვფრინდი საქართველოში და მოვინახულე ჩემი დიდი ხნის უნახავი მეგობრები. სწორედ ამ შეხვედრებმა მიბიძგა, გამეკეთებინა ეს გამოფენა“, - აღნიშნა მხატვარმა.

ადრეული ასაკიდანვე ხატავდა და როგორც თავად იხსენებს, ბავშვური ნამუშევრები არ ჰქონია, 6-7 წლის ასაკშიც ნატურმორტებს ქმნიდა. პირველი გამოფენა 15 წლის ასაკში ჰქონდა, სადაც „მოხუცი კაცის პორტრეტი“ წარმოადგინა. იქიდან გამომდინარე, რომ მუსიკა ძალიან უყვარს, მას დიდი მნიშვნელობა ენიჭება მის შემოქმედებაში.

ლონდონში გამოფენის დროს, კრიტიკოსმა ვიქტორ მიზიანომ მხატვრის ნამუშევრები „აბსტრაქტული რეალობის“ ჟანრს მიაწერა. „ფარჰადის გზა განსხვავებულია - იგი სათავეს იღებს არა ვარაუდიდან, არამედ ცოცხალი დაკვირვებიდან. მისი შემოქმედებითი მეთოდი გამომდინარეობს რეალობის ფენომენის ემოციურ-მგრძობელობითი აღქმის განცდებიდან. იგი ემოციებს ისე იმორჩილებს, როგორც მუსიკალურ ინსტრუმენტს. აწრთობს

მათ, გამოაქვს სხვადასხვა აზრობრივი ფერები, მაშინ, როცა სუფთა პლასტიკის თვალსაზრისით, იგი ვითარდება მოტივების განზოგადების გზით და მეტნიველირებას უკეთებს დეტალიზებულ კონკრეტიკას. ბუნებრივი სამყაროს რომელიმე კუთხის პირდაპირი ხედვა თანდათან, ნაბიჯ-ნაბიჯ, წლიდან წლიმდე, გადადის აბსტრაქციაში, სადაც შეიძლება მიაღწიო აბსოლუტური აბსტრაქტული პლასტიკური სტრუქტურების სამყაროს“, - წერს მიზიანო.

უნივერსიტეტის ენის ამგვარ განცდაში ფარჰადი მარტო არ არის, იგი არის მიმდევარი თანამედროვე ფერწერაში არსებული ტრადიციისა. სწორედ ასე მუშაობდა დიდი მორანდი, იგი ვნებათაღელვით აკვირდებოდა საყოფაცხოვრებო ნივთებსა და ბუნების ფრაგმენტებს. ასე მუშაობდნენ ფრანგებიც, მაგალითად, ნიკოლა დე სტალი, მას პეიზაჟის მოტივი დაჰყავდა პლასტიკურ კვინტესენციამდე. ეს ტრადიცია მიმართავს გამოხატვის საშუალებებს პირველი წყაროს, იგი არ ქრება, მოქცეულია თავისი ავტონომიის ჭურვში. რამდენადაც ავტონომიური ხდება პლასტიკური ფორმა, მასში უფრო აშკარად იკვეთება ადამიანის ამქვეყნაზე ყოფნის გამოცდილება.

საქართველოს 5 ქალაქში კვირთაშვილის ხიონიფასტიკალი "ბახილახუნი მოქანახუნი" ბაიმახთაბა

9 მარტს ევროკავშირის წარმომადგენლობა წვერი სახელმწიფოების საელჩოებთან ერთად, საქართველოში ევროკავშირის მე-4 კინოფესტივალს გახსნის. 18 მარტის ჩათვლით ფილმების ჩვენება გაიმართება თბილისში, რუსთავეში, ბოლისში, ქუთაისსა და მესტიაში.

წელს ფესტივალზე წარმოდგენილი იქნება 17 ფილმი, რომელიც ევროპული კინოს 72-წლიან ისტორიას ასახავს. სპეციალურად შერჩეული ფილმების სერთოთა მათაა "გარდამტეხი მომენტები" და ისინი პირად, სოციალურ და პოლიტიკურ ცხოვრებაში გადაწყვეტილებების მიღების მნიშვნელობას ეძღვნება. ყველა ფილმი ნაჩვენები იქნება ორიგინალის ენაზე, ქართული სუბტიტრებით.

ფესტივალის ფარგლებში ევროკავშირის დელეგაცია საქართველოში აცხადებს კონკურსს კინოფესტივალის მონაწილე ფილმებისთვის პოსტერების შესაქმნელად.

კონკურსანტებმა ევროკავშირის 2016 წლის კინოფესტივალზე საჩვენებელ ფილმებზე უნდა შექმნან პოსტერები (ერთი ან რამდენიმე).

გამოვლიდნება ორი გამარჯვებული. ერთ-ერთ გამარჯვებულს გამოავლენს ჟიური (პრიზი 200 ევრო), ხოლო მეორე გამარჯვებულად დასახელდება ის, ვინც მეტ ფეისბუკ მოწონებას დაიმსახურებს (პრიზი 50 ევრო).

კონკურსანტებმა ნამუშევრები უნდა გამოაგზავნონ შემდეგ მისამართზე: eucontest2016@gmail.com პოსტერების გამოგზავნის ბოლო ვადაა 2016 წლის 20 მარტი.



ხიონიფასტიკალი "ამიხანი" იონიფასტიკალი ფილმების ფესტივალს მასპინიიონ



2016 წლის 4-6 მარტს გაეროს ქალთა ორგანიზაციისა და ფონდ „ნოოსფერასთან“ ორგანიზებით, დოკუმენტური ფილმების ფესტივალი "ქალი კადრში" გაიმართება.

ლონისძიება დღეს კინოთეატრ "ამირანში" 19 საათსა და 30 წუთზე დაიწყება.

ფესტივალი ქალთა და გოგონათა

უფლებების დაცვას ეძღვნება და ქალთა სერთამორისო დღესთან (8 მარტი) დაკავშირებით იმართება.

"ფილმებში დომინირებენ განსხვავებული ასაკის, პროფესიისა და ინტერესის ქალები საკუთარი უნივერსალური ცხოვრებისეული ისტორიებით. ისტორიებით, რომლებიც კიდევ ერთი მკაფიო შეტ-

ყობინება იქნება საზოგადოებისადმი, საჭირო ყურადღება დაუთმონ ქალების წინაშე აღმართულ ზღუდეებსა და ბარიერებს, რომლებიც 21-ე საუკუნეშიც კი მწვავე პრობლემაა", - აცხადებენ ორგანიზატორები. კინოფესტივალის დანიელი რეჟისორის ფილმით - "სეპიდე" გაიხსნება.

თბილისში ინოვაციური მასხახიანსი "საქართველო და შინი შესაძლებლობები" ბაიმახთა

მახი ტაბახაძე

საქველმოქმედო საზოგადოება „მადლობის“ ორგანიზებით თბილისში წამყვანი ტრენერების გაერთიანებული მასტერკლასი ჩატარდა. ირაკლი ბლიაძის ინიციატივით, ერთდღიანი მასტერკლასი დიდუბე პლაზაში გაიმართა. რამდენიმე საათიანი ღონისძიებას საქართველოში ცნობილი და წარმატებული ტრენერები უძღვებოდნენ.

მასტერკლასი საქველმოქმედო ხასიათისაა და შემოსული თანხით, დავალიანების გამო სტატუსშეჩერებული სტუდენტების დაფინანსებას ისახავს მიზნად. ორგანიზაცია „მადლობის“ საზოგადოებასთან ურთიერთობის მენეჯერის, ქეთი კვიციანიძის განცხადებით, სტუდენტების რაოდენობა ბიუჯეტიდან გამომდინარე შეზღუდულია. საქველმოქმედო აქციის ფარგლებში საწყის ეტაპზე ორგანიზატორები იმ ორი სტუდენტის დაფინანსებას გეგმავენ, რომელთაც ყველაზე მაღალი ქულები და აკადემიური მოსწრება ჰქონდათ. პროექტის მიხედვით, აქტიური ახალგაზრდების წახალისებისა და ჩართულობის მიზნით, ასევე გათვალისწინებულია 25 სტუდენტის რეგიონიდან ჩამოყვანა, მათი მგზავრობისა და დასწრების უზრუნველყოფა.

მასტერკლასი კარიერული, ფინანსური ან პიროვნული წინსვლით დაინტერესებული ადამიანებისთვისაა, შესაბამისად, ის ფართომასშტაბიანია. ასევე არ არსებობს ასაკობრივი შეზღუდვა და დასწრება ნებისმიერი მსმენელისათვის ნებადართულია.

პროექტის ორგანიზატორების განცხადებით, მსგავსი ტიპის და მასშტაბის მასტერკლასი საქართველოში არ ჩატარებულა. მათი

ვე თქმით, მასტერკლასის უნიკალურობას განაპირობებს ის, რომ პროექტში ჩართულები არიან თავიანთ საქმიანობაში საკმაოდ ცნობილი და წარატებული ბიზნესმენები. მაგალითად, მონაწილეთა შორის არის დავით კენჭაძე, რომელიც კორპორაციულ მენეჯმენტში დღეს ყველაზე მნიშვნელოვანი ფიგურაა. ასევე, გიორგი თვალაძე, არაერთი პროექტის ავტორი, კლუბ „ინტელექტიკას“ დამფუძნებელი, რომელიც რვა წელია ფუნქციონირებს საქართველოს ბაზარზე. ღონისძიებაში მონაწილეობას იღებს ილია ნიკაპაძე - „ფორმოტივის“ რედაქტორი, „რა, სად, როდის“ პიარ მენეჯერი. ასევე, ტარიელ ზივზივაძე - ქართული ბრენდების პოპულარიზატორი და ირაკლი ბლიაძე, იდეის ავტორი და პროექტის ერთ-ერთი წამყვანი მონაწილე.

ორგანიზატორები ორიენტირებული არიან ადამიანებზე, ვისაც აქვთ დასაქმების პრობლემა. მასტერკლასის ფარგლებში, ილია ნიკაპაძე დასაქმების თემაზე ისაუბრებს. ის მსმენელებს გაცნობს კონკრეტულ ნაბიჯებს, რომლებიც საჭიროა სასურველი სამსახურის დასაწყებად და შესთავაზებს კმედიტ საშუალებებს, რომლებიც ხელს უწყობს უმუშევრობის პრობლემის გადაჭრას. დასაქმებულთა შედეგების გასაუმჯობესებლად და ეფექტურობის გასაზრდელად ისაუბრებს დავით კენჭაძე. ის შეეხება დროის მენეჯმენტის თემას, რომელიც საშუალებას იძლევა იყო უფრო მეტად ეფექტური და შედეგიანი. ბიზნეს-ტრენერი მსმენელებს მიაწვდის ინფორმაციას იმ ინსტრუმენტებსა და საშუალებებზე, რომლებიც პიროვნებას გამოარჩევს უნდში

და დააყენებს ერთი საფეხურით მაღლა. ამისათვის ის გამოყოფს 21 კონკრეტულ მოქმედებას, რომელიც მოიტანს ეფექტურობასა და ფინანსების ზრდას.

მასტერკლასის ფარგლებში, გიორგი თვალაძე ბაზრის გაანალიზებაზე, ნიშის სწორად შერჩევასა და მის წარმარვაზე გააკეთებს მოხსენებას. ასევე, გასცემს რეკომენდაციებს იმასთან დაკავშირებით, თუ როგორ შეიძლება ნულიდან დაწყებულმა საქმემ მოიტანოს სოლიდური შემოსავალი. ქართული ბრენდების პოპულარიზაციის თემატიკას მიმოიხილავს ტარიელ ზივზივაძე, ის ქართული პროდუქტების შექმნასა და მათი პოპულარიზაციის მნიშვნელობას გაუვსამს ხაზს. რაც შეეხება ირაკლი ბლიაძეს, ის წარმატების მიღწევის მიზნით არანაკლებ მნიშვნელოვან თემას, პერსონალურ განვითარებას მიმოიხილავს, საკუთარი შესაძლებლობების სწორ მენეჯმენტზე ისაუბრებს და რეკომენდაციის სახით გასცემს იმ კონკრეტულ ინსტრუმენტებს, რომლებიც ადამიანს ეხმარება საკუთარი თავის რწმენის ამაღლებაში.

როგორც ზემოაღნიშნულიდან ჩანს, მასტერკლასი ქველმოქმედებისა და ტრენინგების გაერთიანების ერთ-ერთი პირველი მცდელობაა. ბიზნეს-ტრენერების გაერთიანება კი მიზნად ისახავს ღონისძიებაზე დასწრე საზოგადოებას მიაწოდოს არა თეორიული ინფორმაცია, არამედ გაუზიაროს ის პრაქტიკული გამოცდილება, რასაც თითოეული ბიზნეს-ტრენერი საკუთარ საქმიანობაში იყენებს.

საქართველოში მსგავსი პროექტების მიმართ წლების განმავლობაში სკეპტიკური დამოკიდებუ-



ლება იყო. სწორედ ამ დამოკიდებულების შეცვლას ისახავს მიზნად ზემოხსენებული საქველმოქმედო მასტერკლასი. მისი ორგანიზატორები თავიანთ მოვალეობად მიიჩნევენ, რომ ამ მიმართულებით აქტიურობის შედეგად, მსგავსი ღონისძიებები გახადონ უფრო მასშტაბური და საზოგადოებრივი და ინფორმაცია უფრო ფართო საზოგადოებას მიაწოდონ.

რეალურად, რამდენად არის დღეს საზოგადოება გათვითცნობიერებული მსგავსი პროექტების არსში და რამდენად მარტივად მიჰყვებიან მათ, რთული სათქმელია. თუმცა, ორგანიზაცია „მადლობა“ ამ მიმართულებით აქტიურობას გეგმავს. საქველმოქმედო საზოგადოება ახლადდაარსებული დაწესებულებაა, რომლის სლოგანია „მადლობა, რომ ხარ“. გაერთიანების მიზანი საზოგადოების ცნობიერების უკეთესობისკენ შეცვლაა, ამ მიზნით კი სხვადასხვა სფეროსა თუ საქმეში წარმატებულ თუ მონდომებულ პიროვნებებს უხდინა მადლობას და ამგვარად ახდენენ მათ წახალისებას.

თებერვალში, ინტელექტიკამ საქველმოქმედო ორგანიზაცია „მადლობასთან“ ერთად, 2 ლიდერის გაერთიანებით უფასო სემინარი გამართა. პროფესიონალმა ტრენერებმა საუქარი რუსთაველებსაც გაუკეთეს და მათ უფასო ბიზნეს ტრენინგი შესთავაზეს. ამას გარდა, დაინტერესებულ პირებს ბიზნეს-ტრენერების რჩევები ვიდეო ფორმატში უფასოდ შეუძლიათ მიიღონ. ეს არის ის ნაბიჯები, რომლებიც ორგანიზაციამ უკვე გადადგა საზოგადოებაში არსებული სკეპტიკური დამოკიდებულების შეცვლის მიზნით. კონკრეტულად რა პროექტებს განახორციელებს ის მომავალში, ჯერეჯერობით უცნობია. თუმცა, ორგანიზაცია მხოლოდ სტუდენტების დახმარებაზე არაა ორიენტირებული და სხვა სახის საქველმოქმედო ხასიათის ღონისძიებების ჩატარებასაც გეგმავს.

ორგანიზატორები აცხადებენ, რომ ქართულ საზოგადოებას მეტი ინფორმირებულობა სჭირდება, რის შედეგადაც უფრო მეტი ადამიანი შეძლებს საკუთარი შესაძლებლობების გამოვლენას.

ტუჩინის ჰიოსუსი (TRP) 2016 - ბასნობითი სამუშაო შეხვედრა

საქართველოს განათლებისა და მეცნიერების სამინისტროში, ევროპის განათლების ფონდის (ETF) მხარდაჭერით, „ტუჩინის პროცესის (TRP) 2016“ - გაცნობითი სამუშაო შეხვედრა გაიმართა. შეხვედრაზე განიხილეს საქართველოში „ტუჩინის პროცესის (TRP) 2016“ ძირითადი პრინციპები, მიმდინარე წლის ანალიტიკური ჩარჩო დოკუმენტი და განსახორციელებელი სამუშაო გეგმა.

შეხვედრას საქართველოს განათლებისა და მეცნიერების მინისტრის პირველი მოადგილე ქეთევან ნატრიაშვილი, სამინისტროს სააგენტოების, ევროპული განათლების ფონდის (ETF) და დონორი ორგანიზაციების წარმომადგენლები და სხვა დაინტერესებული მხარეები ესწრებოდნენ.

„ტუჩინის პროცესი (TRP)“ 2010

წლიდან დაიწყო და პროფესიული განათლების პოლიტიკისა და პრაქტიკის ანალიზის საფუძველზე ახდენს სისტემის მონიტორინგს და შეფასებას პროფესიული განათლების პოლიტიკის შედეგების გასაუმჯობესებლად.

მნიშვნელოვანია აღინიშნოს, რომ საქართველოს, ევროპის განათლების ფონდის (ETF) მხრიდან ეძლევა შესაძლებლობა იყოს ამ პროცესების მონაწილე, გაუზიაროს ადგილობრივ და საერთაშორისო საზოგადოებას პროფესიული განათლების სისტემაში მიმდინარე რეფორმის პროგრესი, გაეცნოს სხვა ქვეყნების გამოცდილებას და მიზანმიმართული რეფორმების მეშვეობით, ყოველწლიურად გააუმჯობესოს შედეგები პროფესიული განათლების ხარისხის, ხელმისაწვდომობისა და პარტნიორული ურთიერთობების განვითარების კუთხით.



დაზარალებული სტუდენტები სამაჩხოციის აღდგენას ითხოვენ

ენი მაჭავახიანი **ბლოგი**

მე მუსიკოსი ვარ, 2015 წელს გადავწყვიტე კონსერვატორიაში ჩამებარებინა. მუსიკოსობა სპეციფიური და ერთ-ერთი ყველაზე რთული და საპასუხისმგებლო პროფესიაა, რომლის მიღმაც მრავალი წლის ყოველდღიური შრომა იმალება.

შეფასებისა და გამოცდების ეროვნული ცენტრის (www.naec.ge) მისამართზე ინტერნეტით დარეგისტრირდი და ჩემთვის სასურველი სპეციალობა „კლავიშოანი საკრავი“ მოვნიშნე, თუმცა ტექნიკური ხარვეზის გამო გადამოწმების შემდეგ დარეგისტრირებული სხვა ფაკულტეტი აღმოჩნდა, რაც უცნაურად მომეჩვენა, რადგან „ანკეტა“ შესაბამისი კოდის მითითებით შეივსებდა და შევსებული. თუმცა ცვლილება მაშინვე შევიტანე და ელექტრონული ფოსტის გადამოწმების შემდეგ დავშვიდდი, პრობლემა აღმოხვრილი მეგონა, რადგან შეფასებისა და გამოცდების ეროვნული ცენტრისგან შეტყობინებაც მივიღე: „ცვლილებები განხორციელდა“.

გამოცდების ამაღლებებელმა ორ თვიანმა პერიოდმა განვლო. ეროვნული გამოცდებიც ჩავაბარე და ვანო სარაჯიშვილის სახელობის კონსერვატორიაში შიდა საგამოცდო ტურებიც წარმატებით გავიარე. თავს უკვე სტუდენტად ვთვლიდი, მალევე სწავლასაც შევუდექი, თუმცა ჩემი ერთუბიანობა მალევე განელდა...

შეფასებისა და გამოცდების ეროვნული ცენტრმა საბოლოო შედეგები აგვისტოში გამოქვეყნა, ჩემს პირად ანკეტაში დიდი ასოებით გამოჩნდა წარწერა: „ჩაკრილია“. ძალიან გამიჭირდა ამის გააზრება, სრულ აგონიასა და

გარუკვევლობაში ვიყავი. სასწრაფოდ ცხელ ხაზზე დავრეკე და საბოლოო ინფორმაცია დამიდასტურეს. აღმოჩნდა, რომ ინტერნეტით დარეგისტრირების ტექნიკური ხარვეზის გამო პროგრამამ არასწორად დამარეგისტრირა და ჩემს ელექტრონულ ფოსტაზე მოსული შეტყობინებაც - „ცვლილება განხორციელდა“, სიტყვების უაზრო თამაში იყო.

გამოცდების ეროვნული ცენტრის დირექტორს მაია მიმინოშვილს რამდენჯერმე შევხვდი და ვესაუბრე. თუმცა მან მხოლოდ პირადი გულისტკივილი გამოხატა და აღნიშნა, რომ ჩემს დასახმარებლად საკმარისი იურიდიული ბერკეტები არ ჰქონდა.

განათლების მინისტრ თამარ სანიკიძესთან შეხვედრა რამდენჯერმე ვცადე, თუმცა უშედეგოდ. რიგითი დაზარალებული აბიტურიენტის პრობლემის მოსაგვარებლად მან თავისი წარმომადგენლები გამოაგზავნა, რომელთაგან ბევრი აბსურდული წინადადებები მოვისმინე. მათთვის გაურკვეველი აღმოჩნდა ჩემი პრობლემა, მიუხედავად იმისა, რომ ამ საკითხზე განათლების სამინისტროში დეტალურად იცოდნენ. ისინი ფიქრობდნენ, რომ ნამდვილად ჩავიჭერი და ჩემი მიზანი სხვის ხარჯზე პრობლემის გამოსწორება იყო. „გვესმის, რომ პიანისტი ხარო, მაგრამ იქნებ უცებ გადაწყვიტეთ და საფუნდო სადირიჟოროზე დარეგისტრირდით, იქნებ იქ გადაწყვიტეთ ჩაბარება“, - განმიცხადეს სამინისტროში. ამდენი აბსურდისა და ცილისწამებისგან იმედგაცრუებული ვბრუნდებოდი შინ და ვფიქრობდი თუ როგორ დამეცვა ჩემი უფლება.

არც განათლების სამინისტრო და არც გამოცდების ეროვნული ცენტრი არ აღიარებდა იმ ფაქტს, რომ მათი გაუმართავი პროგრამის გამო მე დიდი პრობლემა შემექმნა.

მიმინოშვილთან მორიგ შეხვედრაზე, მის იურისტებს ვესაუბრე და ერთ-ერთმა მათგანმა, ძალიან საინტერესო რამ თქვა: „დიახ, შეიძლება პროგრამული ხარვეზიც იყო, ამას ვერავინ გამორიცხავს“, რა თქმა უნდა, სხარტად მისი სიტყვები გამოვიჭირე და შევეცადე განმეგრეო ეს საუბარი, თუმცა ამაში უკვე სხვა იურისტები ჩაერთნენ და ხმა აღარ ამოაღებინეს. შეხვედრის ბოლოს მითხრეს: „თუ ჩვენი არ გჯერათ, მაშინ მიმართეთ სასამართლოს“.

სასამართლო პროცესი მალევე დაინიშნა. პროცესზე მოწმედ კონსერვატორიის პირველი კურსის სტუდენტი წარსდგა, რომელსაც იგივე პრობლემა ჰქონდა და სრულიად შემთხვევით აღმოაჩინა, რომ ისიც სხვა ფაკულტეტზე დაარეგისტრირეს, თუმცა მან პრობლემა დროულად აღმოფხვრა.

ამასობაში გავიგე, რომ კიდევ ერთი მუსიკოსი რუსულან კვაიაშვილიც (ალტისტი) ანალოგიურ სიტუაციაშია. ერთსა და იმავე მოსამართლეს მიჰყავდა ჩვენი პროცესი. მოსამართლე დავით წერეთელმა ჩვენს საკუთლდედოდ გამოიტანა განაჩენი. განჩინების მიხედვით, გამოცდების ეროვნული ცენტრს დაუყოვნებლივ უნდა ჩაესვათ ჩემი კანდიდატურა 2015-2016 წლის სტუდენტთა რანჟირების სიაში. თუმცა ეს არ მოხდა და ცენტრმა მოსამართლე მიკერძოებაში დაადასტურა.

სასამართლოს მიხედვით,



თხუთმეტამდე მუსიკოსი იყო ჩამოთვლილი, რომელთა მიხედვითაც ჩვენს უფლებას გამოცდების ეროვნული ცენტრი არღვევდა. მე და დაზარალებულმა რუსულანმა პრესკონფერენციაც გაემართეთ, სხვადასხვა გაზეთსა და რადიოში ჩვენი ამბავი გააშუქეს. მაია მიმინოშვილს ვცნობ, რომ მის წინააღმდეგ სისხლის სამართლის საქმე აღიძრებოდა თუ სასამართლოს განაჩენს არ ადასრულებდა. შედეგად, სტუდენტების სტატუსი მოგვანიჭა. ახლა პრობლემა კონსერვატორიაში წარმოიშვა, იმის გამო, რომ სწავლების პირველი სემესტრი დასრულდა და გაცდენილი საათების ანაზღაურება შეუძლებელია, სწავლას ვერ

ვაგრძელებთ. აბიტურიენტი მუსიკოსები კონსერვატორიაში ივნისის თვეში გადიან რეგისტრაციას და აბარებენ გამოცდებს, ხოლო ერთიანი ეროვნული გამოცდები ივლისში ბარდება. წელს გამოცდების ეროვნულმა ცენტრმა კონსერვატორიას არ გადაუგზავნა იმ აბიტურიენტების საიდენტიფიკაციო კოდები, რომლებიც იქ აბარებდნენ. აი, ეს არის სწორედ სტუდენტთა უფლებების დარღვევა! რომლის გამოც ორი მუსიკოსის ბედი ჯერ კიდევ გაურკვეველ სტადიაშია. თუმცა ჩვენ გაჩერებას არ ვაპირებთ, ჩვენს მიერ გაწეულმა შრომამ ტყუილად არ უნდა ჩაიაროს და ამისთვის ბრძოლასაც ვავაგრძელებთ.

სენსივის უნიხაღი შეთავაზება აბიტურიენტებს - BeNAEC - შეამონებ შენი თავი NAEC-თან ერთად



შეფასებისა და გამოცდების ეროვნული ცენტრი

17 მარტიდან ცენტრი მსურველებს უნიკალურ შესაძლებლობას სთავაზობს - აბიტურიენტი ან ნებისმიერი დაინტერესებული პირი შეძლებს შეამოწმოს საკუთარი ცოდნა და შესაძლებლობები Naec-თან ერთად. ამასთან, მონაწილეს საშუალება ექნება მიღებული შედეგები წინა წლის საკონკურსო ქულებს შეადაროს.

შეთავაზებით სარგებლობა შეუძლია ყველა მსურველს, რომელიც გადაიხდის შესაბამის საფასურს, გაივლის რეგისტრაციას, აირჩევს გამოცდებს, მიუთითებს საქართველოს ფოსტის ფილიალს, სადაც მიიღებს ერთიან ეროვნულ გამოცდებზე გამოყენებული პასუხების ფურცლების იდენტურ ფურცლებს და დეტალურ ინსტრუქციას.

გარკვეული პერიოდის შემდეგ ტესტების ვერსიები ხელმისაწვდომი გახდება ყველასთვის, თუმცა, პროექტში მონაწილეობის საფასურის (1 საგანი - 10 ლარი) გადახდისას ცენტრი მონაწილეებს ამ პროექტისათვის შექმნილი ტესტების ვერსიების პირად გვერდზე მიწოდებას, ნაშრომების გასწორებას, მინიმუმ 4 გამოცდის არჩევისას კი გათანაბრებული და სკალირებული ქულების დათვლას და 2015 წლის ერთიანი ეროვნული გამოცდებით ჩარიცხულთა საკონკურსო ქულებთან საკუთარი ქულების შედარებას სთავაზობს.

მსურველებს რეგისტრაციის გავლის შესაძლებლობა ექნებათ ვებ-გვერდებზე online.naec.ge 17 მარტიდან 30 მარტის ჩათვლით.

4 ან მეტი გამოცდის არჩევინას მონაწილეს სპეციალური პროგრამის მეშვეობით შეეძლება მიღებული შედეგები წინა წლის საკონკურსო ქულებს შეადაროს. ამისათვის ჩამონათვალიდან მან სასურველი ფაკულტეტ(ებ)ი უნდა აირჩიოს.

შემდეგ ეკრანზე გამოჩნდება მისი საკონკურსო ქულა შერჩეული ფაკულტეტ(ებ)ისთვის და 2015 წელს ამავე ფაკულტეტზე ჩარიცხულთა მინიმალური საკონკურსო ქულა. ცხადია, მიმდინარე წელს კონკრეტულ ფაკულტეტზე ჩარიცხვის პროგნოზირებისათვის ამ ინფორმაციის გამოყენება მიზანშეწონილი არ არის (საკონკურსო ქულები 2015-2016 წელს შესაძლებელია სრულიად განსხვავებული იყოს), თუმცა აბიტურიენტს არჩევნის ოპტიმალურად გაკეთებასა თუ გამოცდამდე დარჩენილი დროის სწორად გამოყენებაში დაეხმარება.



airBaltic

RIGA - TBILISI BT 722 5,7 RIX TBS 23:05 04:35 +1 735 03:30
TBILISI - RIGA BT 723 1,6 TBS RIX 05:20 06:55 735 03:55

airBaltic flights from Tbilisi via Riga to Oslo, Helsinki, Copenhagen, Amsterdam, London, Milan, Paris, Berlin, Munich, Vilnius, Tallinn and Warsaw have minimum connection time 25-30 minutes in Riga airport

მხადეა მეთხამება ბამაჩავებისთვის "ბოჩალოსნები" vs "ლათვები"

პაპო ყიფიანი

2016 წლის „რაგბი ევროპის“ ჩემპიონატის მეოთხე ტურში, საქართველოს ნაკრები 12 მარტს სოჭის ცენტრალურ სტადიონზე რუსეთის წინააღმდეგ ითამაშებს. მასპინძლებმა უკვე დაიწყეს ამ შეხვედრისთვის მზადება, ჟურნალისტებისა და გულშემატკივრების მობილიზება.

რუსეთისა და საქართველოს ნაკრებთა დაპირისპირება ყველაზე პრინციპულია შეხვედრა „რაგბი ევროპის“ ჩემპიონატში. ამ თამაშს

გუნდები ოპტიმალური შემადგენლობებით ხვდებიან. მილტონ ჰეიგმა ესპანეთთან გამართული შეხვედრის შემდეგ განაცხადა, რომ მოლაპარაკება მიმდინარეობს „ტულონთან“, საიდანაც რუსეთის ნაკრებს მინიმუმ 2 მოთამაშე შეუერთდება.

შეგახსენებთ, რომ ბოლო მატჩში ბორჯალოსნებმა ესპანეთი 38:7 დამარცხეს, ხოლო რუსები რუმინეთთან 30:0 დამარცხდნენ. აქამდე ქართველებსა და რუსებს

ერთმანეთის წინააღმდეგ 19 თამაშში აქვთ ჩატარებული. აქედან ბორჯალოსნებმა 17-ჯერ იმარჯვეს, ერთი მატჩი ფრედ დასრულდა და ერთიც მარცხით. რუსეთს 23-წლიანი მოუგებელი სერიის დასრულებისა და გამარჯვების იმედი აქვს. 2016 წლის 12 მარტს სოჭში მნიშვნელოვანი შეხვედრა გაიმართება. იმედია, „ბორჯალოსნები“ ისევ დამარცხებენ რუს „დათვებს“ და გაახარებენ ქართველი გულშემატკივრების გულს.

მოულოდნელი მაისი ეპისოდის თახვა : საქართველო - ლათია 0:2

საქართველოს ჩოგბურთელთა ნაკრების წევრმა ნიკოლოზ ბასილაშვილმა დევისის თასზე მარცხი იწვნია. სპორტის სასახლეში დევისის თასის ევრო-აფრიკული ზონის მე-2 ჯგუფის, საქართველო-დანის დაპირისპირება 0:2 დასრულდა. ნიკოლოზ ბასილაშვილი კრისტიან სიგსგარდს შეხვდა და ყველასთვის მოულოდნელად, მარცხი განიცადა. ბასილაშვილმა ოთხ სეტში ანგარიშით 7:6, 1:6, 4:6, 4:6

წააგო. ქართველი ჩოგბურთელის მეტოქე კრისტიან სიგსგარდი ამ დროისთვის ATP-ის რეიტინგში საერთოდ არ არის. ბასილაშვილი წყვილის ფავორიტად მიიჩნეოდა. ქართველი ATP-ის რეიტინგში 118-ე ადგილზეა.

დღის მეორე შეხვედრაში გიორგი ცივაძე (854) ფრედერიკ ნილსენს (374) დაუპირისპირდა და 0:3 დამარცხდა. ქართველმა სამ სეტში 6:7, 0:6, 1:6 წააგო.



სპორტული სიახლეები

ფეხბურთი

საქართველოს 19-წლამდე ნაკრებმა ამხანაგურ მატჩში სტუმრად პოდგორიცაში 2:0 დამარცხა მონტენეგროს 19-წლამდე ნაკრები. გოლები რატი არდაზიშვილმა და შერმადინ ართმელაძემ გაიტანეს.

რაგბი

4 მარტს მონტევიდეოში უმცროს „ბორჯალოსნთან“ სამხრეთ ამერიკული ტურნეს მე-4 და ბოლო მატჩი გაიმართა, რომელშიც ჩვენი 20-წლამდელები ურუგვაის თანატოლთა ნაკრებს ეთამაშნენ და ანგარიშით 22:11 (1ტ 10:3) გაიმარჯვეს.

კალათბურთი

დუდა სანამემ ამერიკის სტუ-



დენტურ ლიგაში თამაში დაასრულა. სანამის გუნდი „ლოილა მერიმაუნტს“ დაუპირისპირდა და დამაბულ ბრძოლაში - 61:64 წააგო. სანამემ თავისი სტუდენტური კარიერის ბოლო მატჩში 20 ქულა, 6 მოხსნა, 3 პასი, 2 ჩაჭრა და 1 დაფარება მიითვალა. ქართველი კალათბურთელი ორივე გუნდის შემადგენლობაში საუკეთესო იყო, მაგრამ მისი მოწადინება სან-

დებეგელებს გასამარჯვებლად არ ეყოთ. დუდამ 8-დან 6 ორქულიანი, 9-დან 1 სამიანი და 5-დან 5 საჯარიმო ჩააგდო.

ბექა ბურჯანაძის წინამძღოლობით ლაკორინიულმა „ლეიმა ბასკეტმა“ ესპანეთის რანგით მე-

ორე დივიზიონში მორიგი გამარჯვება მოიპოვა. ქართველი ფორვარდის გუნდმა აუტსაიდერ „პრატ ხუვენდუტს“ უმასპინძლა და 19 ქულის სხვაობით - 96:77 გაანადგურა. ბურჯანაძე სასტარტო ხუთეულში იყო და მოედანზე გატარებულ 26 წუთში 18 ქულა, 6 მოხსნა და 1 ჩაჭრა მიითვალა. ბექამ 6-დან 3 ოქრულიანი, 3-დან 2 სამიანი და 8-დან 6 საჯარიმო ჩააგდო.

ზაზა ფაჩულიამ სეზონის 24-ე ორმაგი დუბლი შეასრულა. „დალას მავერიკსის“ ქართველმა ცენტრმა „ორლანდო მეჯიქთან“ მატჩში 17 ქულა და 10 მოხსნა მოაგროვა, რითაც ტეხასური გუნდის გამარჯვებაში უდიდესი წილი დაიღო.

ფაჩულიამ სასტარტო ხუთეულში ითამაშა და მოედანზე 31 წუ-

თი გაატარა. ქართველმა ცენტრმა 8-დან 6 ორქულიანი და 5-დან 5 საჯარიმო ჩააგდო. 17 ქულასა და 10 მოხსნასთან ერთად ზაზამ 2 პასი, 1 ჩაჭრა და 1 დაფარება მიითვალა. ფაჩულიას მსგავსად 17-17 ქულა მოაგროვეს ჩანდლერ პერსონსმა და ჯეიჯი ბარეამ. 21 ქულით ზომბარდირი ვესლი მეთიუზი გახდა, დირკ ნოვიცკის ანგარიშზე კი 19 ქულა დაგროვდა.

